山庫全幸

史部

欽定四庫全書

史部

譚襄敏奏議卷六

編修臣裝兼覆勘 詳校官國子監司業品的解質

校對官主事 總校官檢討 且 腾绿监生 王 **II 陳文樞** 何思釣

宫

てこしつ ラーショラ 於本閩西路石峽峪 明 修造石城官廳營 **承督撫巡關衙門** 撰

勘查得本路所管地方闋北有七十屯堡軍士多在彼 呈報等因蒙此本道親詣前去該路會同祭將等官查 若干除商税之外再有何項銀兩可以支用逐一 蒙巡撫劉都御史案驗准鎮守昌平劉總兵手本看得 千一百四十六兩四錢俱於居庸関南口商稅銀內 支不足者補以別項銀兩仰本道通加詳估實該用銀 佔 住種內有附近石峽峪屯堡軍人馬祭等二百三十 石峽必應修石城門樓官廳管房共用工料銀 一明白 動

金少口人

名附近八達嶺軍人馬巡等一百五十二名各有產業 內查有妻室者每軍給房一間如隻身者二三人同居 スニョ 間連前附近軍士一百五十二名共成二百六十二間 益合於石峽俗先修營房三百間連前附近軍士二百 **岩就近撥發各口常住不惟房價可省而防守似亦便** 至為簡便其城垣公解管房等項估值費銀四百八 三十名若成五百三十間八逹嶺舊有營房一百一 兩伍錢七分但俱於南口商稅内動支恐未足用查 \ j = 椰裹敏奏品

管領防守俱聽居庸關祭將節制調度其分撥常守軍 謀勇官員充任石峽 峪守備 與八達 續守備分割地方 撥軍常川駐守深得周防萬全之計既經該道議呈前 大實為衝要之區所據添設守備建造城樓官廳管房 議脱居庸闋西路石峽峪等口地方内衛陵京外鄰宣 支臣會同巡撫順天都御史劉應節巡關御史饒仁侃 有延慶衛先年修造肅寧城剩餘銀九十二兩似可動 相應題請伏乞動下該部再加查議上請速賜推選

金り口

道王 士及造官舍城門樓營房應動南口商稅并原修肅寧 過守接兵馬等項文册到臣臣會同巡撫順天都御史 險為要內而保障則以修城繕堡為急節據密雲兵備 **編惟薊鎮諸路國家京陵在馬外而防禦則以練兵設** 城剩餘銀兩合如該道所議施行 、とり 應節議照今歲兩防仰仗天威疆場寧諡雖 薦舉兵備疏隆慶二年十 點等開報修過邊工城堡造過**盛甲火器分布** 譚 襄 嵌奏 巍 十六日 題 時

介之度執法不撓於豪右談兵動中乎機宜簡衆詰戎 則謀斷相資决大獄則情法兩盡累樹無前之績允稱 崔章之警建高城已完五座千年懷保障之圖處大事 使孟重鵠志不羣永操自勵捕巨盗奚啻千餘一 奮迅倍三軍之氣高塘深輕延表峻千里之防風抱經 功為尤多也謹據實為皇上陳之整飭覇州道兵備副 小臣工罔不畢力而往來課督上下計議則諸監司之 大受之才整飭昌平道兵備儉事宋守約疏朗之才剛 一路絕

金グロ

事王之弼事不辭難剛足任怨曩領郡咽喉之津材既 改定四軍全 五 之敵臺二百餘座盤獲潜入之姦宄十數餘名甚得諸 占於盤錯今分任疆場之備志畢效乎勤勞創建邊關 **隨迎刃有餘察治官睽懸鑑不典整筋永平道兵備飲** 中兵甲何多督邊工不憚躬親聞外金湯自固剖分案 鷄高明發自沉潜正直濟以忠厚議戎事畫如指掌曾 相應薦揚以需優擢者也整飭密雲道兵備副使王一 濟之飲無愧鎖鑰之寄此二臣者人者芳聞懋多信績 譚裏敏奏講

邊臣無獨勞之嗟而地方收用人之效矣 經别事論劾而數年修守之勞亦難盡很所當追叙者 将之心足當一面之任此二臣者雖履事未久而勞績 重等量其年資以備擢用王一鴞等人任羅瑶追 罔憚其勞馳驅已歷十防顦額徵於兩鬚此一臣者雖 已多相應併薦以需久任者也再照原任薊州道兵備 右祭政羅瑶善撫部衆哨報深得其力經營邊險昣降 如蒙乞勅該部再加查訪如果臣等所言不認將五 ١

七三日与人 而各該將領亦罔不黾勉協東争相淬勵一切戰守事 練兵為急守則以設險為要臣等仰遵廟謨申飭諸將 劉應節議照控禦邊圉之道惟戰守二者而巳戰則以 玩慢有罪者聽臣恭宠處治臣會同順天巡撫都御史 練分工修築先明戰守期責實効有功者聽臣等奏薦 兵繕城堡等項大率責成臣等督率主客將領分兵教 科道張卤等建議防秋事宜內如申軍令圖戰守練軍 秋防舉劾疏隆慶二年十二 月二 十六日 印复领奏品 題

近經祭刻不敢再論外臣等看得主兵將領如牆子有 管提調張應時牆子銜提調王祿潮河川提調劉尚 潜消所據主客將領相應遵例分别舉刺以示勸懲除 擊戴綸等山海守備周承遠等羅文谷提調表承芳等 俱職業頗修已該臣等自行獎勵不敢緊舉建昌營遊 俱才能任淺三河守備趙應時遵化守備任良相將軍 通州祭將胡進三屯管遊擊何宗禹石匣管遊擊王旌 務漸次可觀茲者秋防已竣仰仗皇上天威震疊外患

金ケロルノー

欽定四庫全書 管祭將蔡勛夙志吞敵名無忝於虎將協心共事氣並 擊尚智昌平遊擊馬負圖遵化遊兵管遊擊問瑨振武 李家庄攘臂而抗方張之勢大挫强鋒一則棒槌崖躍 **叅將張臣太平寨叅將羅端忠誠夙植謀勇兼資一則** 標下左管然將董一元右管遊擊李如横巡撫標下遊 在告則功浮于賞相應超耀以示優異者也總督軍門 馬而奮先登之威獨收偉績工程各踰萬丈勇氣獨冠 三軍此二臣者修邊最多練兵有效據今則位不淌材 譚泉敏奏議

務鞅掌不辭防降山原馳驅備至高塘深輕共成千里 腾曹家寨遊擊張延賞古北口副總兵程九思經營工 **鐘黃花鎮条將朱紹文居庸闋絲將孫山永平遊擊楊** 也石門寨糸將李信燕河營糸将史綱鎮邊城糸将楊 六臣者雖亦助修邊工而訓練之功獨多所當優叙者 著乎鷹揚繕械甲則軍客改觀教車營則士氣自倍此 巴不開物議此八臣者修守之功獨多所當優録者 金湯粉疊增臺深藏諸關之虎豹結士盡得難心守

欽定四庫全書 將領言之如統領南兵泰将胡守仁李超忠誠許國勇 在黄口守備何勲喜峰口守備王禄薊州守備朱壽白 峰堠惟嚴慎宏隄防隘口之設備尤塞此十二臣者練 取部卒織無剥削撫蕃部曲盡恩威申嚴號令城頭之 院口提調李蓁桃林口提調劉坤洪山口提調張良臣 羊口守備張涇冷口提調谷承功董家口提調史宸義 昌平遊擊張斌華華營遊擊高仲安白羊口遊擊劉戡 兵修邊頗有次第相應併薦以需擢用者也又以客兵 譚襄敏奏議

動王功圖強敵較恒軍士全無科起之聲的勵軍容頓 貼守古北口原任署都指揮飲事楊六領奇兵以都指 **逰擊胡懋功延綏遊擊楊經遼東遊擊劉澐河間遊擊** 定都司劉喬壽保河遊擊王世卿宣府遊擊張蔥定州 之師久著名於江南行揚威於漠北大同遊擊陳勛保 揮體統行事把總陳其可沂州民兵把總戚繼美志切 爾千山東民兵祭将孫紹先定州都司王登領班軍 人抵掌談兵允矣有能之將借籌布陣備哉節制 欽定四庫全書 統烏合之兵而訓練有法此二臣者雖經論効罪固難 論或從未滅以為後來任事任怨者勸也又訪得石塘 爵遼東遊擊周冕一則當要害之地而修工最多一則 将之良所當薦揚以示激勸者也原任馬蘭谷泰將張 至而安靜弗擾防秋而緩急有賴此十七臣者均之客 錦衣衛千户郭元相百户耿桂奉命募兵兼程赴戍所 益旌旗之色練兵俱有實效修工各務永圖作募南兵 而修練微勞亦難盡很相應量為犒賞內周冕於原 譚襄敏奏張

衠 則 思禁諭撫賞每瑜乎常額惟事因循號令頗欠嚴明精 神 井兒提調某徒負備驅全無膽畧見屬蕃則奉頭避匿 督之法况係新設未定之軍心又當極衝難守之要 多方推避不知撫賞之方修邊工則徒啓怨嗟漫無 難以馳騁此一 以本官處之恐非其據相應改調以全器使者也 棚谷遊擊其議論頗有儒風施設未開將畧遇屬蕃 副總兵某年逼桑榆力鮮矍樂屬蕃漸徒於關門問 臣者相應客令体致以全晚節者

读定四車全書 積習未完遂故意以誅求大安口提調某晚節不終浮 墩軍七十餘座之布每臺月各二疋穢迹愈彰怨聲載 議日起受夜不收百八十名之縣每名日計三分索守 相應降調以示懲創者也三屯管守備某手足姦痺步 小百事支吾時出自棄之言日謀脱身之計此二臣者 界衛口提調其受鈴制於屬官一籌莫展聽撥置於羣 遂移撫賞之成規督工務則戲額逡巡致誤邊防之大計 **履艱難在一片石科削多端已甘心於棄置在三屯管** 語裏敲奏議

臣 擊事濫收墩砲軍常例之銀令為提調官挾納守寨官 言以惑衆幾丧良心兙軍餉以肥家大招物議先署游 而造火藥半係侵欺縱屬蕃而扑 打點之期青山口提調其關首無能懊怯成性領官銀 全地方者也曹家寨提調某才足濟貪奸能飾非造訛 者 ·賄號令不行处亡相繼此三臣者相應五為罷斥以 片石提調某初至即索見面之錢隨事悉有常例 相應提問以正其罪者也伏乞動下兵部再加查 , 軟行逃匿此二

欽定四庫全書 ₹ 革矣 據水平道兵備会事王之弼呈開查得石門寨 兵力寡少分布不敷然山川頗險猶堪防禦無容再議 衙門提問各缺連為推補庶功罪明而欺玩之頹風 胡守仁等各加叙録循資擢用張爵等量為犒賞某客 訪如果臣言不謬將張臣等董一元等李信等張斌等 令休致其改調別用某等降調某等罷斥某等聽巡撫 移置兵将覆疏隆慶二年十 譚襄級奏議 一路雖 ग

管轄應援緩急調度勢自難周又查得求平管遊兵原 為今之計合將與河一路分為二路割地分守以專責 係先年添募專為策應燕河一 祭將雖與各管主客將領分地修守如遇各口有警公 調所管闋寨二十六處在在皆為衝要每年春秋兩防 石門子闋止邊長二百二十七里內設冷桃青界四提 仍當往來馳應以二百餘里極衝之邊責以一条将 得燕河路然將所轄地方東自星星谷堡起西 一路地方原無分地擺守

管然將所轄四提調地方綿亘二百二十餘里其衝要 成即以永平管遊兵移至臺頭管常駐操練該管遊擊 等因到臣臣會同巡撫順天都御史劉應節看得無河 設兵馬又省召募額的不增邊防有頼伏乞照詳施行 軍民地土起盖合用工料價值即於永平府庫見貯先 將領衙舍軍士管房地基就於該管查撥空地或置買 改為分守臺頭管然將管轄界複青山二提調地方其 年原發修盖營房銀內酌量動支如此則將官既免添

少足口事人

辞泉的奏説

山界衛口二提調其熊河然将史綱但管冷口桃林二 擊改駐臺頭管與無河然将分地防守一節委屬有益 防之後又邊備空虛責成為難所據該道議將永平将 膉 守在邊每遇赴防之日則道里寫遠饋的不便及至撤 二千之衆往來策應勢何能周永平遊擊駐劄在府防 永平遊擊楊騰改為分守然將移駐臺頭管專管青 應題請伏乞勃下該部再加詳議如果臣言可行乞 口可通大舉者無慮二十餘處然將以一人之身提

L

ランニンコラ シーラ 平軍士就動支庫駐管房銀起安挿再查有荒開地土 臺頭營条將一 之日查於撒去舊額內撥給一千五百共足三千之數 提調地方其臺頭營一路尚欠客兵一千五百候兩防 間 行則兵不另募餉不加增畫地分防事有專責一轉移 居處既定屯牧相安照依百里以內間支行粮事例施 撥給耕種務使得所兩防之日照舊全支行粮草料候 可坐收萬全之績少紓皇上東顧之憂矣 應供應容臣等仍行該道查議處給永 譚襄敏奏張

據總理密雲糧餉户部即中王以纁呈奉欽依募取浙 金ケロアノニー 無差謬但各兵應募遠戍分布各邊防守時無休息比 各兵工食合於本部馬價銀內支給自明年正月初一 江鳥錢官兵三千四百四十六員名赴客雲訓練防守 日起至十二月終連閏計一十三個月共該銀七萬四 備呈到臣臣查前項官兵合支工食數目本官計算别 干三百三十七兩九錢呈乞早為題請庶不臨時缺乏 請發南兵工食以濟邊用既隆慶三年正 初二日題

早賜給發聽臣行令密雲兵備副使王一鶚公同管糧 委應預請及時支給伏乞勑下該部再加查覈將隆慶 之别項主客官兵番休选上勞苦最多所據前項工食 隆慶二年十二月二十六日據鎮守劃州總兵官郭 即中王以纁按月造册唱名給散庶各兵無枵腹之 三年應支南兵工食銀七萬四千三百三十七两九錢 ייים אויים 塞有防禦之効矣 敵兵窥犯拒堵退遁疏厚處三年正 譚襄敏奏議

金グロ 擊尚智閆瑨各兵馬星夜前赴喜峰董家等口防禦策 報稱喜峰口邊外有敵兵三千餘騎要搶太平寨等路 地方該臣等據報隨即一面遣發標下無將董一元遊 崖子等處該臣等随即移駐適中地方調度防禦總理 **琥親統何宗瑀等標兵二枝馳赴相機援剿又據喜峰** 應 在二十六七等日要犯鐵門 関董家口榆木嶺青山擦 口守備王禄報稱長品斜領三千餘騎在會州屯聚准 仍通行各路主客將領兵備等兵嚴加哨備總兵郭

-

項 道路及劄管處所馬駝蹤跡滿川拋棄攻城木梯釣杆 追動前到廟兒賴秋木溝等處業已遠遁踏看得所行 家丁用漆石弓矢鎗砲將敵兵前哨射打退散隆慶三 練兵都督戚繼光督率兵車策應二十七日被各伏路 委官董暉紀學韓李東鈞徐從義范君寵殷佐等出邊 年正月初一 ここり 拋棄由歡喜顏遁去郭總兵統率各管兵馬同督撫 橱柳 ... 頭等器無數官軍拾取驗訖各營兵馬俱撤 日敵人瞭見牆上把守嚴密逐將釣梯等 椰襄敏奏茄 囬

具無算牵趕駱駝數多必塞切勾連東西諸部安圖 将吏宣力効忠兵馬雲集功以不戰邊境無處生民幸 逞幸頼皇上神武布昭天心默佑我邊得以預知早備 甚臣等幸甚 人心怠惰之時輙蓄深謀乗機突犯觀其馱載鈎梯等 分守信地臣會同巡撫順天都御史劉應節看得北邊 部窺見兵已撒防正疆場空虚之會又節逢新歲達 分布兵馬以的春防疏隆慶三年正

金ダロんぐし

脱得新正已交防春不遠所有一應防守事宜相應預 7) (...) (D ...) 議覆内稱合候命下通行各邊總督撫鎮等官將來春 行題請案查失准兵部咨為邊患日熾乞賜大飭備禦 所宜漸次整理何者為綱領重大作何振飭應徑行者 切於禦敵制勝之策必湏並及務見何者為節目詳細 全各該督撫諸臣極當虚心無我從長會議此外更有 以固春防事該兵科都給事中歐陽一敬等題該本部 應防範機宜查照節經申的事理嚴加限備務保萬 谭襄敏奏議 五


咨在卷該臣督同整飭薊州等處邊備兼巡撫順天等 官軍分地畫守無事則踞險脩工開警則聯營決戰務 悉心會議看得劇昌二鎮邊疆今分為一十二路主客 處地方總兵官郭琲等遵照部科所議備將綱領節目 府地方都察院右会都御史劉應節鎮守薊州永平等 徑自斟酌施行應奏請者奏請定奪等因題奉欽依備 必禦之塞外而又擊其惰歸此其防守之大綱也然算 可以先定變不可以預圖又當各整標下之兵分駐

グロー

適中之地時其緩急以為應援相其機宜而為分合此 ここコ 限二月初九日入闋到鎮主兵俱限正月二十八日開 **售規度其地之衝緩防以兵之多寡悉心分布客兵俱** 則節目之當講者所據今春防守主客官軍謹照節年 實繁在平時非分任責成則臣等僕僕往來實徒勞而 必獲於萬全功不虧於壹 實乃為得策但地方既廣機務 務使以守則有險可據以戰則有兵可恃地利人謀動 操與工各將修守訓練事宜遵照分管信地著實舉行 :` 5 譚襄敏奏議

金ケロニノー 路 難支故言修守訓練之事在居庸関黃花鎮鎮邊城二 無益於臨敵非合力併攻即我雖僅僅保守亦勢寡而 宋守約為之監督在馬蘭松棚太平寨三嗣 則宜責之鎮守總兵官楊四畏為之統督兵備愈事

١



即 金タログノニ 悉行令遵照節年題准事理而行如此則謀定而戰守 忠推功讓能務濟公家之急此又人臣第一義也伏望 可圖法行而人心自肅矣再照和東任怨共攄報國之 以軍法從事其宣府遼東保定各總兵官入援兵馬 奏處治內有臨陣不用命者聽臣遵照勅諭

次定四車全書 全之圖若勝負相半與得失相然非善之善者也除戰 於戰守二端故以戰則求必勝以守則求必固乃為萬 臣會同巡撫順天都御史劉應節議照禦邊之策惟在 圖有先人奪人之謀無臨渴掘井之患邊疆幸甚臣愚 天語叮嚀大小當事諸臣務在同舟共濟母為私便身 不勝幸甚 下該部再加看詳即為上請行臣等及時舉行仍乞 增設重險以保萬世治安疏 譚襄敏奏張 月段日題三年正

馬盖戍守之卒既無所不備則無所不寡而應援之兵 之全籍臣等標下應援之衆然籍之往牒得失恒相祭 守言之東起山海関西止鎮邊城塞垣延長二千四 則求必勝之事已别有成議外臣等謹以薊昌二鎮 之所不及往往敢得出其驍健數十人於崇峰峭壁 在倉卒之時每能援於敵之所必攻而或不能援 設策非弗城也但地方綿亘擺守單薄敵若聚而攻 里因山為險分兵列戍年年修築處處有備前人貼 百

奔潰 我所不虞之地攀援而上入我邊境乘暗殺人守援之 人口可言 公面 大隊之衆又安有從客啓關拆牆如入無人之境哉 牆之兵堅守不動則此數十百人雖不成擒亦當自遁 以為倒取是也者使當時彼雖潜入數十百人而我 容啓闊拆牆據東而入如蹈無人之境各邊將士相傳 地殺人軟誰呼曰敵已入邊矣於是守者援者皆相率 不知敵兵之寡又棄馬而歩本為易與但見已在內 路數十百里之間並無 譚稟敏奏議 人在牆然後彼乃從

所謂二面受敵之險則是將塞垣稍為加厚二面皆 所守又為一 潰四出即斬之莫能禁者盖緣我兵原無訓練之素而 此意在将士類能知之類能言之而於臨事之時輕奔 故臣等以謂為今之計必設二面受敵之險而後 **基如内地看家樓而小視邊牆高可一倍大約高至** 者則計百步之遠衝者五十步或三十步之遠即祭 口計七八十塚之間下穿一 一面之險遇敵内外夾攻欲其無逃不可得 小門曲突而上而又於

天定四車全書 ▼ 韓襄敏奏議 此則大隊之衆既不能攻吾外即有數十百人從我 即機又能致遠彼之弓矢遠不五六十歩亦無所用如 高且三丈彼之鉤杆皆不可施我之火器如鳥嘴鏡佛 視其山之形勢使之恭錯委曲務處量於牆之实收牆 其所分之地守臺者專擊其聚攻之卒而臺之位置又 守牆守臺之卒皆住在臺更番瞭望有警則守牆出守 於臺之曲突者受敵而戰曲者守之而已且以臺受敵 三丈而止四方共廣一十二丈内 可容五十人無事則 ÷

蒯昌二鎮先分為十路今分為十二路於內斟酌裒益 能攻吾内且我既整暇則此數十百人亦相率授首無 會以修邊被謗遂創為不修之修之說將邊工盡派主 所費銀萬後總督侍即劉素因見前巡撫都御史吳嘉 **共增築墩臺三千座即周密可守臣等查得先年修邊** 世之利也又以臺數計之大率每路該增墩臺三百座 所逃命此即所謂以守則無不固真可謂萬全之策百 守之處棄馬攀援而入吾之守者有所恃而不去又不 大三コニームニョ 墩臺必給官銀五十兩以備工料犒賞之費底人皆樂 邊事理全用兵力不給官銀則既有力作之勞又有親 客官軍且脩且守而所省亦鉅萬然視其堅固可久則 沿邊都縣為之騷然勢必不可若如近年總督劉素脩 如先年巡撫吳嘉會脩邊事理既用官祭又派民夫則 軍愁苦之狀嗟怨之聲盖不無也令議增臺三千座岩 與舊牆異矣故今脩砌剷削之工尚無息肩之期而官 灰等料之费群情沟沟事亦難成臣等再三等畫每 譚襄敏奏議 Ŧ

徵入鎮邊城防秋四個月耳乃該省歲費工食銀 從工可就緒通計墩臺三千座共費官銀一十五萬足 不已多乎則臣等將應之曰山東民兵一枝共三千 矣或者以為近微脩邊畢無所費令輙議此一十五萬 十萬雄兵視之三千為何如此臺一成乃國家永世之 萬而行糧料草不與馬令沿邊增臺三千座奚啻抵 比之每年僅防四個月又何如而所費催此則亦何 而不為哉但照劇昌一十二路之間每當春秋雨防

ドノゼ

約止有六個月在班岩以十路三千之臺責之一年之 等役脩守者不過十萬以十萬之衆分為二班在役者 文三司三三· 各兵備官員與各主客將官量其官軍多寡照數分給 臣應節處分發剷客昌永四兵備道收貯容臣等嚴督 二部再加會議上請每歲動支內帑五萬兩差官解送 間不惟工不能前且日亦不足矣合無請乞勅下兵工 不過五萬且每歲除大寒大暑與撤兵放班月日外大 之時計主客官軍不過一十四萬内除尖夜哨縣養馬 神襄敬奏镇

萬雨即乞速賜給發在次年三年各五萬兩每於隔歲 **垛則聽臣等便宜而行每歲仍聽臣等與巡關御史將** 聽該部先期支發以憑及時與工其加厚邊牆添設 縣取用各兵備官仍將各起官軍脩過工程分數每十 **貳官稽查工程聽各兵備道呈詳臣等於所轄各府州** 官銀責之備料與工各築墩臺岩干座合用府州縣 一千座三年之内限以通完其工料銀兩在本年 次具報臣等查考大約每歲一十二路務完築墩 佐 内

金ケロラ

客雲道兵備副使王一 ヤションへにす 州道兵備副使孟重俱呈報脩造落成城堡共岩干座 世治安者端有在於此矣 邊關有磐石之固陛下無北顧之憂臣等以為可保萬 事諸臣勤惰之狀分别奏請加賞罰以示勸懲如此則 完過工程備查有無堅固堪備守禦及各丈武大小當 據永平道兵備会事王之弼薊州道兵備右祭政羅瑶 議處前鎮緊要事宜以防後患疏隆慶三年正 一鴞昌平道兵備会事宋守約覇 譚襄缺奏議 Ī

臣會同巡撫順天都御史劉應節看得各道所呈脩築 事則已脫有警報亦足以為折衝禦侮之資而收堅壁 城壯丁各不下千人而此外又有巡邏策應等兵即無 中間或從新創築或因售增脩俱用磚石包砌如法高 應 各縣城垣共十三處鄉村岩堡共二十五座墩院四座 清野之効臣等先将効勞原関住將領等官周孚先等 厚可恃昌平州樂亭等縣城工物料俱備完報有期且 用火炮動計數百具而此外又有槍刀挨牌等器守

金ケロアとこ

行令各道動支無碍官銀買辦花紅量行獎賞及各該 衛脩築過已未完工程數目先行奏報以備查考併將 等函為脩城建堡之圖今照隆慶二年已終據府州縣 捐貲助工尚義士民人等或量給官帶或置立牌扁用 座村堡墩院四座客雲道兵備副使王一鴞督脩城 孟重督脩城四座永平道兵備会事王之弼督脩城五 示優異外仰惟我皇上方以邊患日歷宵旰諄諄命臣 工完官員分別優叙以示風勸為照覇州道兵備副使 ス m. / 回 man / 2. 1 in 譚襄疑奏樣

心思永平府知府劉庠署樂州事同知賀秦并知州准 村堡一十七座昌平道兵備僉事宋守約督脩城三座 座村堡八座薊州道兵備祭政羅瑶任内督脩城四座 楊元義平谷縣知縣瞿麒香河縣知縣萬通永清縣署 府黎昌縣知縣張存智盧龍縣知縣張瀾寶坻縣知縣 來調度不遺餘力鞏皇圖於磐石之固日夜經畫曲盡 以上各官事不辭難功圖可久繆牖户於陰雨之先往 · 創州知州王明汲通州知州劉耀武遷安縣知縣随

金灯口人生一

虎豹之威深輕崇牖城郭壯金湯之固以上十二臣城 印覇州判官王建領任邊園留心保障供以使民則子 工已完均當優叙内張存智則脩築之功獨多隨府則 來者恐後義以勸衆則輸財者争先練兵繕械問間藏 ステンロサニハナコ 守魯雖力盐舉嬴尚虧一簣之功而量工計日已有垂 懷柔縣知縣朱繼立順義縣知縣盧漸良鄉縣知縣安 府通判李琮昌平州知州高尚仁樂亭縣知縣李邦佐 守城之具曲備又為賢勞之尤者也署房山縣事保定 譚襄敏奏議 <u>-</u>

相應量行獎資俾之終事者也玉田縣知縣崔克智脩 別優獎通判李琮知州高尚仁知縣朱繼立李邦佐盧 株而隄防備至雖經論劾功難盡冺相應追叙容令以 府劉庠同知賀溱知州崔炳等知縣隨府等各該工程 則視縣衛為一 而贖罪者也伏乞勃下兵部查議将副使孟重等知 報依期先移咨吏部查照叙録)緒況中間馬新之力多倍於仍舊之功以上各 體而完報獨先沒池則增林木數萬 劉庠等仍行臣等 臣

金ケロルノニョ

民之力則誇怨易起於是諸有司雖追勉任事而浮言震 城之役原因通年邊患頻仍謀攻城堡不得已而動衆 文三·四·一个十五 城自生疑沮至以脩城之事視為殷鑒方令各州縣城 費公帑不足而括民之貲則嫌疑易生夫役不充而勞 傷財為一勞永逸之計但愚民難與慮始大工難以惜 漸安守曾等各該城工亦有次第量行獎賞俱令終事 池鄉村塞堡尚多末完岩不少為寬假未免致妨大計 知縣崔克智姑與贖罪以為有司勤事者之勸再照脩 譚襄敏奏議

等將前後脩過工程用過錢糧各數目奏繳兵部覆行 再 要將境内應脩城堡上緊脩築完報不得曲避嫌怨點 乞天恩行令臣等督撫巡按衙門嚴行所屬有司各 其食墨之罪矣 按御史殿實具奏則有司脩城 知賢者固得以自見其保障之功而不才者亦無以 奸通候工完之日照依兵部題奉欽依事理容臣 議處財用定經制以垂永久疏降慶三年二 事有無染指 查

金りした

15

やいコラーショ 錢五分在昌平該銀九萬六百三十四兩六分永平該 臣惟有兵則有食雖智者無所庸其巧而或寡與或多 三年銭糧密雲該銀三十七萬八千八百七十八兩 即善算者亦難使之齊乃户部先年欲較數成之中議 據密雲管糧郎中王以纁 昌平管糧主事呉哲永平管 郎中辛應乾薊州管糧郎中王汝梅各呈稱本鎮兵 一定之額亦特其大凡耳所據各官開到會計隆慶 糧料草數目建請發銀接濟以放然看等因到臣 神寒妖奏議 ニナと

六百八十五兩七錢六分內薊昌永三鎮大約不越蒨 此暫時之費伏望動下户部再加查計務如各官所呈 鎮若為獨多然實他鎮欲增之数多總計於密雲若通 客兵赴戍撤兵皆從密雲過堂且新暫之兵分布無定 額惟密雲稍為過之益緣本鎮係軍門駐劄之所兩防 いち とうし くろし 從密雲一鎮會計又當有閏之年故密雲一鎮視他 一十萬九千七百三十兩薊州該銀一十八萬 則密雲亦不至迫異也况将為永逸之圖亦難惜

段定四華全書 萬員名後因無事將七千五百餘名調撥一片石迤西 光該路祭将李信等議得先年建設一衛十所官軍 據永平兵備王之弱呈奉臣案驗會同鎮守總兵戚繼 兵之中而寓理財之術固臣等一念區區之愚忠也 |該官司用心稽察務為節縮俾有盈餘存為後用於治 庶幾馬騰士嬉可賣戰勝守固之劾而臣亦必嚴督各 照數准給早為支發前來聽各官隨宜備買以時放給 計處前遼善後事宜以神邊防疏隆慶三年三 神寒妖奏議

子

輕辰布實難萬一遇警手足真無所措為今之計合將守 操守官軍五百八之居庸紫荆二國懸殊雖設守備官 操軍二百名與本閥擺守即令本閥邊二十餘里止有 動書飲遵行事則事權既重足堪彈壓甚屬妥當其 備裁革比照居庸紫荆兩關事例改設泰將一 在止有南海口等五闕官軍二百八十員名及本衛城 員所握官軍數僅止此且在屬石門路祭將事權 帶守邊又將二千調撥逐東大凌河等處住守見 一員請

炎已日至八八 擬伏乞勃下兵部再加酌議題請及推學祭将官一員 前來任事庶控制可萬全矣 設兵馬并酌處糧的供應等項事理已為明悉相應依 兵官戚繼光議將原設守備革去改設泰将 關地方委係遼海咽喉前鎮股肚重地據該道會同總 美等因到臣會同巡撫順天都御史劉應節議照山海 應軍馬錢糧酌量增設底 衝關有備而重地可保無處 改設管糧專官以重責成以資邊計疏 弹泉敏琴議 隆慶 員及增 年

薊 員專管主客兵馬錢糧 准 破 州管糧 区元人工 公俱通一 格銓補 會題要將前鎮馬蘭太平松 素稱順重麥須增設通 部咨前事內開看得總督侍郎譚綸巡撫都 颗九 郋 E 塵不染先任經歷已經 中鈴轄巡 節 為照前鎮馬蘭太平松 撫劉又咨稱要将 就近於永保 判分理 棚三路 而涿州 九 河間府分帶 牟 涿州同 棚三路 增設通判 既經彼處督 同 知李 倉 知李 街 御

判專為管理邊儲而設錢糧浩大簿書繁冗一應出納 稽查岩無關防何所准信卷查嘉靖四十二年間該前 天等府地方都察院右会都御史劉看得前鎮增置通 主客軍馬錢糧聽前州管糧即中鈴轄本部給憑令其 直隸河間府通判駐割遵化管理馬蘭太平松棚三路 撫官會題移咨前來相應依擬合侯命下將李元陛授 到任管事外臣會同整的前州等處邊備兼巡撫順 任管事等因題奉飲依備咨到臣准此除行本官飲

たこうる とこう

譚寒敏奏張

をけてたん 准兵部咨該本部題職方清吏司案呈該本部議看 糧之出納有稽而好弊可清矣 請給關防 任督撫會議題准昌平密雲建昌三處管的通判 將前管的通判轉給國防一顆令其次掌使用庶錢 下該部查議比照昌平密雲建昌管館通判事例 伊通相應題請命下本部馬上齊文交總督侍郎 分布兵馬以慎秋防疏隆處二年六 顆令前鎮管的通判與彼事體相同伏乞 月 各

譚編嚴督各該鎮巡副恭遊守兵備等官回思責任之孔 責令遠哨不得寄耳目於屬蕃烽火務要嚴明不得務傳 製仰念秋防之甚重往事可以戒懲今日不容再誤夜丁 攻處所今當為戒嚴之舉應擺守者照舊擺守母得籍 報於項刻何處係必經要路今當為設伏之圖何處係必 面嚴行收敛一 母得拘泥於信地之分而致忘同室之難敢在牆 たころうたら ラ 口於內地之戰而致疎外户之防應策應者隨機策應 面徵調各兵或積新或的杆使之 却裹做奏議

當及時教習以作其銳自將領以致軍士不用命者悉以 當深地堅壁以伐其謀邊兵固所當練而各處民兵九 或擊惰使之動有所防邊堡固當加謹而境內州縣尤 所試敵若潰牆 備之不可以不多軍馬供應饋的居先烘炒熟食之需 有球處之谷中 福 援當查 閱務要身親經歷不得轉委他人而 法從事母得廢弛紀律而務為寬大之名自衝要以 一面號召諸將 國長技火器為上凡火器鉛彈之類 面牽其進止或物營

テロたと言

7

理去後今照六月將終秋防已近所有防守事宜除保 備等官各一體欽遵將哨探練兵及火器等項逐事幹 欽依備咨到臣除即欽遵督行各該鎮巡副祭遊守兵 或因仍茍且致失事機國典甚嚴自難輕貸等因題奉 績岩能拒諸墻外使不得入者亦當優叙以酬其勞如 防而夜防尤為喫緊共切同舟共濟之義蚤為周悉萬 處之不可以不預不獨秋防而冬防尤不可忽不獨畫 全之謀其有連管合戰大挫敵鋒者自宜破格以旌其 にこり.ヨ 譚襄敏奏議 二十二

金ケロ屋ノー 定紫荆等關節年舊規俱該鎮巡官徑自分布具題遼 **预行整搠客兵未至者聽臣馬上差人督催俱限七月** 依原分十路分布明悉其主兵見在者責令各該將領 備等官楊四畏張學頗等逐一查將各鎮主客官軍照 備禦不可不嚴臣因督同巡撫都御史劉應節總兵兵 震疊窺何潜蹤但前此探報諸部蓄謀嘗欲報復在我 二鎮切近京陵関係甚鉅今歲春防雖仰仗皇上天威 一鎮三面瀕邊四時皆備不必再行分布外惟蒯昌

策應臣等仍遵題准事例以鎮邊城居庸関黃花鎮三 者查照原議三等工程修守應策應者就彼訓練專備 スの日本とある。 マロコローところ 之臣與兵備張學顏各調度監督而臣實總督之其總 責之總兵郭琥兵備羅瑶無河管石門塞二路责之巡 路責之總兵楊四畏兵備宋守約馬蘭谷太平寨二路 初十日赴各信地屯劄更分為修守策應兩項應修守 理練兵三萬列為三營仍照原議各移駐近邊要地如 劉應節兵備王之弱石塘嶺古北口墙子嶺三路責 譚襄敏奏議 ニナニ

所係尤甚宜以總兵官楊四畏標兵二枝首先迎敵三 調至於居庸関首花鎮鎮邊城三路有警則家通陵寢 應之遵化一管出一哨應之餘皆在本地防守聽候別 咐應之客雲一管出一哨應之墙子領古兆口石塘領 寨二路有警則以三屯一管首先迎敵遵化一管出 遇,热河石門二路有警則以導化一管首先迎敵三屯 管出二哨應之容雲一管出一哨應之馬蘭谷太平 一路有警則以家雲一管首先迎敵三屯一管出二哨

金り口

管之兵各盡出 應接誓死決戰 其調出三管應援之兵 援兵敵未至而任意與安恬不為備敵已至而望風鼠 駐守援之兵務要奮勇堵截以待援兵之至不許專恃 ひれ)日またかっ 俱聽總兵官郭號統領總理戚繼光調度至於該路分 臣遵照敕諭處以軍法泰遊而上先取死罪招由仍聽 路策應之兵觀望後期以致誤事都指揮以下官員聽 **竄畧不固守其各營標下應援之兵亦要聞調星馳先** 至侍敵乃為得策若本路主客守援之兵先不固守各 9 譚襄敏奏議

臣務修實事與其搖唇鼓舌避罪於既事之後孰若戮 力齊心制勝於未事之先於以上報國恩下攄民患之 文武諸臣務各精白一心協恭共濟仍乞天語嚴戒武 謂盡無其人伏乞敕下兵部再加詳議請嚴督大小 相襲以為當然避事推奸者公然不行省改亦 人情之觀堂不一 心知畏謀定而外侮不足虞矣但恐軍令之廢 條例雖張玩惧如故失伍離

臣嚴督立功自贖建有奇熟

體具奏陞賞如此庶法

ロドルノニー

為得也 過敵臺岩干支用過岩干存剩岩干四年應造岩干應 臺隆慶三年收到部發銀兩岩干分發各道岩干各造 右食都御史劉應節咨准臣咨查原會議題准建造敵 准整飭薊州等處邊備兼巡撫順天等府地方都察院 ここ フェー 密雲兵備条政凌雲翼呈稱查得隆慶三年原分領部 該請發若干明白咨報以憑會題等因准經行據整飭 再議增設重險以保萬世治安疏隆慶四年四 /.... **T** 譚襄敏奏謀 三十五 題

銀五十 縣庫貯民兵搞賞銀一千五百一十兩照數給散外 呈撫院查取各道支剩銀兩補庫依蒙已經借支密雲 千五百一十兩呈家軍門批仰暫於犒賞銀內借支仍 五十五座每座該銀五十兩共該銀七千七百五十兩 金宁四户全章 又加賞過各臺工銀六千一百八十兩白馬闋買石條 萬四千一十兩除前發銀兩支盡外尚欠未給銀 萬二千五百兩春秋兩防各路造過敵臺一 ·兩未完臺一座已給過銀三十兩通共用過銀 百

備祭政楊錦呈稱查得本道原分領部發銀一萬二千 賞銀四十兩銀數難以預定約計每臺連加賞不下一 半每座該銀五十兩共該銀七千九百二十五兩造完 查隆慶四年春秋兩防敵臺共該派造一 次之四年一全 之日比照見行規則上上等加賞銀五十兩上等加 五百兩本年馬蘭太平松棚三路春秋两防共修過臺 百兩共該銀一萬五千八百兩等因又據整飭薊州兵 一百二十座給過工料并加賞獎賞不等共支過銀 譚裏故奏議 百五十八座 ミナガ

銀 百三兩四錢九分五釐七毫支剩見在銀三千五百五 據整的永平兵備副使楊兆呈稱本道原分領部發 該修臺一百三十座約該用銀一 頭熊河三路共修完臺九十二座支用過銀八千 萬二千五百兩內輕銀一 百 萬二千三百五十六兩 兩七錢九分七釐四毫八紙隆慶四年兩防大 兩 一錢二釐五毫二絲尚存剩銀二千六 錢今年春秋兩防石門 百四十三兩九錢實收 萬五千餘兩等因 6

過九千四百二十五兩尚有存剩銀三千七十五兩其 有未修五十八座原領部發銀一萬二千五百兩已支 路原議應修敵臺一百六十一座後又議添二座共 平兵備僉事宋守約呈稱本道所管黃花居庸橫鏡 銀兩凑用倘或臨期不敷另行呈請等因又據整飭昌 力計之亦僅可修造百座合再發銀一萬兩連前支剩 百六十三座本年春秋兩防共修完臺一百零五座尚 | 兩六錢四釐三毫隆慶四年春秋兩防以主客兵

というかんな

譚襄敏奏議

渞 臣准此案脱先准户部咨該臣會同巡撫都御史劉應 議題請再發銀五萬兩前來酌量分發各道以備四年 數既定銀兩不敷臨時另請等因據此看得蒯永昌 添未敢定擬合無將前剩銀兩聽來春與工支用候臺 隆慶四年應造之臺或止修前議未完之數或有無加 兩防修臺應用如有剩餘仍候下年凑用等因備咨到 用密雲道銀兩支用巴盡尚有借欠之數合無查照原 雖各有支剩銀兩數俱不敷四年春秋兩防修臺支

金、口

ノー・モ

卷六

節議照劇昌二鎮塞垣延長二千四百餘里地方綿亘 次已四五十五書 韩襄秋奏前 之罅隙可乘则地方之失事豈細全在督撫官平時設 戀疊嶂雖稱險阻但地里遼潤擺守未免稀缺岩一處 以示勸懲等因題該户部會同兵部議照前昌二鎮層 與巡関御史將完過工程備查有無堅固堪備守禦及 乞每歲動支內帑五萬兩解送臣應節處分仍聽臣等 擺守單簿共增築墩臺三千座共費官銀一十五萬請 各文武大小當事諸臣勤惰之狀分别奏請各加賞罰

路務要築墩臺一千座總限三年通行完結務要修築 動支一 墩 臺誠為保障至計相應通行依擬合候 命下每年户 多寡照數分給官銀賣令備料與工大約每歲一十 部於太倉銀庫動支銀三萬五千兩兵部於馬價銀內 解運聽督撫官嚴督各兵備與各主客將領酌量官軍 **客永昌四兵備道收貯今歳先行給發以後二年依次** 萬五千兩各差官解送巡撫劉應節處分發劇

備務極周詳然後臨事防禦方為有賴所據前項應修

堅固如法足堪保障每歲督撫臣與各該巡関御史逐 更足习 一三日 並無虛胃即將效勞員役分别等第具奏賞養如工程 作速及時與工務要修築堅固足堪保障如或茍完悞 造一冊奏線青冊送部查考等因題奉聖旨是這建築墩 臺誠剃昌修守至計着該鎮督撫嚴督各該兵備等官 者祭奏處治通候三年工完仍将築過墩臺用過銀兩 不堅虛費錢糧即將經管人員應提問者提問應祭奏 親閱所築墩臺是否堅固銀兩有無虛胃如果堅固 譚襄敏奏議

档數准督比各陸續有報完者臣即會同巡 畫 投 賆、 約以二百五十人修臺一座照議給發工料犒賞銀五 事經管員役 於巡撫衙門分領部發銀兩仍行委鎮協總副官 兩及中布造築規係嚴緊督的分委府縣佐貳等官 此 會同各兵備官前去各路 圓貼說酌量緩急分别先後查計各該主客官兵大 欽遵備咨前來臣即通行家剃永昌四兵備道導 巡関御史指名祭究銀兩依擬以次給 相度地勢定立基址逐 / 撫都仰

1

رُ

欽定四庫全書 争相勉勸在三年春秋兩防雖事當創始時有警報亦 擬制式之上則加給搞賞銀二十五兩以故人 中等雖不逮上上等上等偉麗然朴素渾堅亦遠出原 之賞遂行從公查驗定其極於工緻者列為上上等加 兩不足以供在募匠役之費而効勞官軍曾未需半毫 給搞賞銀五十兩次為上等加給犒賞銀四十兩次為 劉應節親詣沿邊逐一閱視其工程堅固規制宏偉較 民間有五七百金及千金不能成者所給官銀五十 譚襄敬奏議 八心鼓

准事理咨行户兵二部照數請發無庸别議而臣等復 整的剃州等處邊備兼巡撫順天等府地方都察院右 以三年為率每年該發銀五萬其在本年似應遵照題 僉 見在 思資外所據四年春秋兩防臺工又經臣等酌量分派 完臺至四百七十二座已經臣等具題伏蒙聖明優 行巡撫劉應節查明以便請討今准前因該臣會同 都御史劉應節議照原議犒賞銀兩共該 與築合用工料搞賞銀臣其編計上年當有盈餘 十五萬

火ミロ・アインコー 盡不通馬計可省臺五十餘座又如松棚路之東西常 截之則自潮河川第七寨西至陳家谷四十餘里之邊 口原定敵臺一百九十三座後於桃樹窪建臺五座街 緩處限以一百步衝處三十五十步而置一 座于時誠謂二千四百餘里之邊不分通馬通步但於 千之數而尚以為少後該臣等躬親踏看分別夷險計 不能無言者蓋緣初議蒯昌一十二路増建敵臺三千 料情形專扼其通馬之路則臺數自可減省又如古北 輝寒敏奏議 一臺即增三 罕二

臺一座以兵力計之每歲兩防僅可完臺三百數十座 規制迫異昔時所資人力五百名歷三月之外僅得完 此臺數之當議城者一也初議每年築臺一千座盖以 斌臺二十座如此之類殆難悉舉以故令計一十四路 扼之則自潘家口以西三十餘里之邊盡不通馬計可 谷原定敵臺二十餘座後於邊外長城複建臺三座控 /間止須建臺一千五百座可將大舉要路盡行扼塞 時墩臺計之則謂每百人一防可建臺一座耳今其

r. , E

71 112

欽定四庫全書 帶纍纍貫珠穹然魏然甚聳觀視臣等前後雖加賞銀 十兩亦有見於舊日墩臺石不加新發不用熟灌不用 之當議寬者二也初議每臺一座給與工料犒賞銀五 至於秋防之際一間警報又當停工休士待戰故計此 其一半再須限以三年乃人不告勞工可畢就此臺工 灰竊謂給此五十兩銀即可圖為堅久矣乃不期諸將 一千五百之臺除上年已完及今春夏共可完一半外 聞列等競求壮麗龍石磨報備極精美即今沿邊 譚襄敏奏議

行建築如延綏如寧夏固原自五年為始特免修建無 建外今秋量行辦料以待明春時和日永邊報稍寧量 或量建數臺入衛之軍如宣大如遼東除春防照瓜修 臺數定以一千五百為率每年除班軍遊兵原係更番 賞之當議增者三也如蒙伏乞敢下該部再加查議将 者春秋雨防依舊並作其主軍則春防建臺秋防辨 五十四十二十五兩有差其實不足償其勞費十分之 且自去秋以來皆為上等上上無復中等之臺此搞

賞工料仍要查發五萬兩或量減一萬運發巡撫都御 欽定四庫全書 笑如有餘剩聽於五年凌用如此則工可勿亟人思用 各以其餘力休息習戰所完臺座仍列等加資本年搞 呈稱本管官軍去歲入衛過夏防秋仍留備冬防春修 據寧夏遊擊王國延綏遊擊張拱立固原遊擊石玉各 命而邊備為有禪矣 史劉應節處分發各兵備道支用待本年工完通行磨 為乞恩查照舊例賞賽遠戍邊兵疏 譚襄敏奏訴 四十二

行各官查将實在官軍的數造送該管監督兵備道與 勞苦居多所有春賞乞照舊例給發等因各呈到臣除 乞一體查給又據昌平總兵官楊四畏呈稱查得標下 因又據標下遊擊李如槚呈稱原選標下延綏官軍九 存有光年提督遗留陝西家丁一百名隨管操守截殺 百餘員名合營操練以備調遣東西策應例有春賞伏 守勞苦殊甚各軍離家久遠衣装損缺窮困艱難情有 可憫舊例應有春賞伏乞查照早為請給以慰遠兵等

火足四車八百 赏銀七錢容將查過的數送部照數支發前來逐一 請給及查臣標下延綏官軍與昌平總兵標下陝西家 年勞苦委多情應加恤據呈各有春賞係屬售例應准 支糧號單查對明白聽候部覆咨送領賞外臣查得每 丁事體相同均應優處伏乞敕下户部查照節年舊例 年寧固二枝暫留備冬防春候換班回鎮各兵遠戍經 年防秋事畢例該奏留陝兵三枝內延綏一枝再防一 請將各營官軍每官一員賞銀壹兩二錢每軍一名 譚襄敬奏訴 马

領底等來有方而人心思奮矣 譚襄敏奏議卷六

等因題奉聖旨是各邊近雖少警未可恃以為安你部裏 欽定四庫全書 間抵除難免侵軼之患必須先期申飭庶幾可保萬全 將終秋期漸近在我安常襲故不無疎略之虞在彼投 ているうから 准兵部咨稱自古禦邊之道必以守備為先即今夏序 譚襄敏奏議卷七 分布兵馬以慎秋防疏隆慶三年関 譚襄敏奏議 ı 撰

幾秋氣將臨正彼便於憑凌之期塞上吏士所當及時 咨 便行與各該總督鎮巡等官務要嚴加限備查照節經 為備之日也所據防秋事宜委應預期整的內除保定 之時而各邊戒嚴尤急於秋高馬肥之際即今閏夏無 猛虎之博每乘其便所以廟謨申的恒在於天未陰雨 暫寧愚者報謂 題准戰守事宜着實修舉母得徒事虚文欽此欽遵備 到臣竊惟圖事在於未形有備斯能無患日今邊境 可無事矣而不知熱鳥之擊必匿其形

金厂四

紫荆等關節年舊規俱該鎮巡撫官徑自分布具奏途 てこり 鎮一十四路主客官軍較其地之衝緩定以兵之强弱 東一鎮三面瀕邊四時皆備不必再行分布外惟薊昌上 多寡通融酌處悉心分布其主兵與客兵見在者责令 鎮實惟京師後門且陵寢在馬一墻之厚即界中外故 各該將領預行整搠客兵與班兵未至者臣即督催各 巡撫都御史劉應節鎮守總兵兵備等官逐一查明二 其地為至重而為備當至嚴設防當及早也臣謹督同 :` 5 部襄敬奏摄

舊規難持異議但一與之 語戰則相視為分外事矣近 信地各計日程工修築邊墻開旛壕輕軍雖勞苦緣係 赴信地住劄防守查得節年成議不論主客官軍就於 馬之有無與各路主兵各枝班軍俱各分為班次大 該總兵官威繼光呈為積少成多修中求練以備戰陣 援兵十哨就各信地操練與各管標兵專備應援而臣 事將各路主客官軍擇其人馬壯盛器甲堅利者定為 又將各入衛客兵因其地之遠近時之久暫兵之强弱

金少匹

操備一 遠兵以一半待援一半修工主兵因無更番亦以一半 くこうこうこ 來哲至標兵承調罔知從出之途此哨報之賞罰不可 始則哨探不得其情繼則飛報又不以實無稽之言紛 探果明飛報以實則標兵四集亦何至有意外之憂乃 其情狀亦與主兵無異又專待標兵以戰使各路之哨 者則以二分修工一分擺守處分既定衆亦相安顧塞 上積獎始則主兵專待客兵以戰令則客兵俱入擺守 半修工惟是客兵之無馬者與班軍之不能戰 譚襄敏奏議

則哨報不敢以不明且實矣然又有調發應援之嫳何 主哨報之官不然則有重罰併罰及主哨報之官如此 侚 伶利忠實尖夜各給與路費令其遠入近邊營帳多方 備賞失夜銀一百兩內有支剩者每當秋防之時慎選 以不講也謂宜責成各路主將查將臣上年每路發去 飛報截擊成功本哨即查例陞録仍破格給賞併賞及 瞭其東西聚散向往情形謂之暗哨凡得實情預期 探彼中向往消息謂之明哨又多方設伏於百里內

ケレをとって

C 1.10 ... 1. 1. 1. 害則潜避一方往往不能以全取勝弊皆坐此臣等所 數十家丁及百餘健卒零星至彼見利則争奪首級見 敵之處非彼地方之責也每奉調遣咸棄其全管止將 則將官不開節制又恐後期且犯損軍之例抑或以受 将至而兵不至者將官自忿遊而下以軍法網打而悮 以往日會議必各定為程限事緩則騎兵晝夜須行一 里車步一百里皆以調兵文到為始違期者以逗遛論 百二十里車步八十里事急則騎兵畫夜行一百五十 譚襄敏奏議

客兵當有警之時務要奮勇堵截以待援兵之至不許 事者斬副總兵而上奏聞處治誠有為而云然非漫説 專恃援兵敵未至而任意燕安敵一至而望風鼠竄如 故紙其誰肯信從哉至於各營標兵以次迎敵已經題 命臣等岩不再為申飭着實舉行則又託之空言視為 也但人心之玩惕軍令之廢弛亦已久矣節嘗奉有成 臣往年所陳則戰守皆具事可萬全矣抑臣又聞之大 奉欽依章章著明無容復贅但又須嚴責主兵與乘障

金ケロんとこと

有警不待調發各自督兵入援如此則在我無可投之 該部將臣分布事理再加詳議作速題請行臣遵照施 難信在獨石則皆得之目擊其見必真伏望皇上勅下 同得敵之情宣府得敵之形此劇鎮哨探所以必專責 間在彼有日感之機地方幸甚臣等幸甚 行仍嚴行獨石祭將務將軍情緩急遵照成命多方偵 1777 IN 1875 探不時報臣早為限備及行宣遼雨鎮查照舊規一遇 之獨石条將良有以也蓋在薊鎮不過詢諸屬蕃其言 譚良敏菱镁

金り口をとこ 呈報以憑具題繳續蒙巡撫劉都御史案驗准楊總兵 工程補過軍役買過馬足逐一查勘與秋防臺工一 **泰將楊鐘在任三年零八箇月任内職業修舉乞要比** 臣批據鎮守昌平總兵官楊四畏呈前事內稱横衛路 據整飭昌平等處兵備山東按察司僉事宋守約呈蒙 仍管祭将事務緣由蒙批仰昌平兵備道將本官修過 石塘嶺然将孫桓考滿事例題請加陞副總兵職街 飲奉聖諭疏隆慶三年関六 月二十日題

大三回豆人 五丈五尺官廳舖房一千四百八十四間各衝口修 軍沿邊修過大小邊城五千二百八十六丈五尺空心 隆慶三年六月終止歷任三年零八箇月任内督率官 **将楊鐘開報自嘉靖四十四年十月初八日到任至今** 有無相合具由通星以憑施行等因蒙此案照先准条 無失事并修守等項事蹟再加查勘明實與加思事例 手本開同前事備行本道即將祭將楊鐘三年任內有 十九座附墙墩臺三十二座山崖一萬一百五十 譚襄敏奏議

六百 接傳號火烟灶柴塘二十九處清勾召補過逃故軍士 百八 千二百餘塊品窖七百五箇住城内修過城垣水堤六 遇重城水堤三十四丈三尺石砌壕七丈棚壕板七十 金グロ 分買補過騎征馬八十四疋 塊擊木枕六架鐵閘二扇鐵褁檔門三扇地釘簽木 十七名追徵過椿朋銀九百七十六兩二錢四 百一十根石荆图三百八十六座的馬大石 · 犬五尺城門三座樓舖管房二百二十 打造并修補過盈甲一千 六間

實明白照例呈請問今蒙前因看得横衛路祭將楊鐘 百 十四件處置過遮箭挨牌三百西裁種過樹木一千四 孫桓止歷任三年修守六次即蒙照例加恩今楊鐘將 然將孫桓考滿加衛事例相同欲遵候秋工勘報但查 極為衝險幸能地方無事兼以功蹟頗多委與石塘嶺 歷任已逾三年修防曾經七次且該路邊隘外隣宣鎮 二百一十四項副造補過修選損壞鐵器三千三百三 十株等因到道准此通將各項修舉事宜逐一數 輝襄敏奏湯

金一口口 心之際合無較念微勞俯賜題請加思以需久任以勵 侍 内 日題准三年考滿事例隆廢總兵副祭遊守則查其任 衆心等因呈詳到臣據此案 照先准兵部咨前事該本 幾四載較之原例已為過期况令秋防伊邇正鼓舞人 職業修舉防秋三年無事者許督無具奏兵部分别 方險易題請加思等因續又准本部咨該前任總督 等衙門會題內開一處久任督撫及兵備則查照近 郎曹 独 題 稱石塘嶺泰將孫桓歷任三年春秋六

與例相合相應題請伏乞物下該部再加議擬上請照例 之心才親鷹楊雅有文人之度修工獨先諸路操身迎 異時流既經該道查勘前來委係職業修舉地方無虞 **鐘春秋已歷七防前後共經五薦精誠天禀真如赤子** 地方都察院右愈都御史劉應節看得横領路然將楊 防職業修舉效有勞績該本部覆議題奉欽依孫桓陛 今 副總兵職街仍管条將事務俱經備咨遵行緣由在卷 據前因臣會同整飭薊州等處邊備兼巡撫順天等府

次定四車之一 一

譚襄敏奏議

臣惟聖帝明王之治天下也則必有經常之宏規如有 加思以示激 必有宴饗子麥有水早疾厄則必有賑恤有外侮內患 本專差千户張世勲親齎謹題請 必有邊備有甲兵有征伐皆非財莫為也故孔子論 廟則必有祭享有朝廷則必有百官有朝覲會同則 懇乞聖明講求大經大法以足國用以圖安攘以 建久安長治疏隆慶三年七 勘縁係欽奉聖諭事理未敢擅便為此具 占

人一口 是人之 政亦惟曰足食足兵民信之矣至於去兵去食皆其必 且不可聞於外國而使潜萌窺伺之念也今之議者動 大經大法而務為一切必不得已之謀臣竊以為舛矣 乃不完其所以虚實强弱之由相與講求修舉制用之 以府庫則充實以百姓則殷富以水早則有備以士馬 我國家所以制用理財皆有大經大法故當祖宗之時 不得已之時相率效死之際非治平隆盛之事也洪惟 則衆强以邊備則無虞令則虚實强弱之勢甚相遠矣 譚襄敏奏議

謂祖宗之時歲入幾何輸邊幾何今則輸邊幾十倍於 憂者莫如北邊中外大小臣工受國厚恩思欲圖報於 輸之於邊則將安仰乎臣愚竊謂今日之事所謂最可 其勢不能不發也塩折盡輸之户部矣而又不從户部 邊年例之仰給於户部者自少今敵勢盛矣其勢不能 之法未壞尺籍之軍盡存而北部又當削弱之時故各 告矣其言豈不聳人聽聞特未思祖宗之時各邊屯塩 不盛也軍伍耗矣其勢不能不耗也各邊之屯田廢矣

金り口をとう

陛下所宜專心致志散精竭神日以此事為念臣愚猶 之者也而獨未念夫理財之份自有祖宗常經可以修 誠有見於目前空虚竭匮之狀亦所謂必不得已而言 これのことに入れる 不可為寒心乎然所以為此一切必不得已之謀者是 非所以為國忠謀而適以成夫敵人强盛之勢陛下豈 恐弗蔇乃不深察其强弱衆寡之勢而惟以匱竭為詞 一二當事之臣以了故事事後則又因循如故臣恐甚 在平日則盡出一切必不得已之謀比至有事則處置 譚襄敏奏謀

當務之急而顧忘其所甚憂臣故曰外也臣認有邊疆 金りひんとう 鑒此心碩自足食足兵之外無所措手以仰答委寄之 博議如果臣言鑿鑿可行則乞行臣之言匪特臣一 之寄利害與身不敢沿襲舊套以欺陛下天地鬼神可 事駁議治臣之罪以為妄言之戒臣無任隕越惶懼之 舉有古人成法可以講求舍其大而圖其細不力行其 之幸實天下國家之幸也如言涉过遠必不可行乞逐 故特條為理財數事以獻伏乞聖明下之公卿大夫

計開 至 The Count Air In 曰通錢法夫錢法之行見於諸臣之所條議已不 君孰與不足百姓不足君孰與足始未能深解其 **未盡其理也以臣愚計之今日制國之用豈復有 肯今乃知之夫我國家之制為財用自有常經其** 加于錢法者乎臣昔誦有子之對哀公曰百姓足 而足卒未能行之豈錢法之果難行哉言之者 譚襄敏奏議

金ケロルノー 為能年年生之乃以其銀之少而貴也至使天下 耳百姓之所以不足則由於貨賄之賤而銀貴銀 非常之備者而至匱竭如是正由於百姓之不足 之農夫織女終歲勤動弗獲少休每當惟科峻急 之所以為貴則為其少也夫天地間惟布帛故栗 之時以數石之聚數疋之帛不能易一金彼一農 歲所入豈直足以周一歲之用亦必有所以為 歲能得栗幾石一女之織一歲能得帛幾

U.10 ... 1.1.5 -則可使銀與錢不至於甚貴而布帛故栗不至于 數以濟夫銀之不及而后可夫天地間銅至多矣 布帛菽栗而賤銀钦賤其銀必制為錢法以多其 故欲求國用之足必先務富其民欲富其民必重 甚賤如是即農織不傷農織不傷即家給人足而 國家又無山澤之禁制而為錢以濟夫銀之不及 通負必多通負多矣則府庫必竭乃必至之理也 疋而其賤 岩此水其無貧不可得也民既貧矣則 節奏敏奏養

金少四三八在三 第今之議錢法者臣感馬有曰朝廷用銀一萬兩 萬兩每歲鑄錢百萬金則國家獲百萬金之錢而 萬金則國家獲一萬金之錢而天地問復多銀 矣其如民之不可强行何此又不智之甚也夫錢 知帝王以天下為家務藏富於民每一歳鑄錢 止鑄得一萬兩銀之錢而無甚利是則然矣而不 貢賦以時貢賦以時則國用自裕亦必至之理也 天地間復多銀百萬兩顧不甚利乎又謂錢之鑄

こうしつれるこう 資本銀一百二十萬在京師則從工部鑄二十萬 免有壅而不通之患以臣之愚請乞朝廷每歲出 恒在於市井而不在朝廷且又以年號誌錢亦不 行者盖惟欲布之於下而不欲輸之於上所以權 者泉也謂其能流行而不息也今之錢法所以難 布政司在南北直隷則從各府以大小為差共鑄 兩銀之錢在南京則從南京工部在天下則從各 百萬兩銀之錢在外務開局設官專任其事如 譚襄敏奏議

金庆四月在一 動支所鑄之錢即以備次年各官軍俸糧棄支折 政司各府則以撫按解京贓罰及存留各項錢糧 錢造不必復用別項錢糧即 色之用以後年分就以代出應給官軍折銀動支 布政司專以右布政主之直隸各府專以同知主 之其資本銀在兩京工部則從本部動支在各布 分可鑄錢十文即以一丈錢折一釐銀之用 1錢亦分以給本項之用錢制必輕重適均如銀 湏用别項錢糧所鑄 如

てこう... シュラ 錢五文以錢一文折銀二釐之用務從五文十文 自上布之于下而不自下輸之于上雖日發數 盛行售錢當自廢耳是錢法之制已無不備但使 **為誌庶可行之萬萬世而無窮從前嘉靖等錢及** 當銀一分以便民間折算其錢又俱以大明通實 先代開元等錢亦不必廢但須從十文五文之例 不得有所軒輕其間民間不行亦不必强盖新錢 分不殼鑄錢十文即約所值稍重其制鑄為 譚襄敬表

金定匹店生言 錢入官如賦役之供除本色外其起運折色每以六 行錢為便雖欲强其用銀不可得矣第恐初鑄 舊如嘉靖開元等錢一體收之如此則百姓皆以 贖紙價除應上殼外其折色與紙銀須並收錢即 行錢之初錢數尚少不必以是為限其給散官軍 分解銀四分解錢存留折色則從中半徵解當其 於市其法亦不能行要自布錢之日即令民得以 俸糧折色則內外皆從中半銀錢魚支若內外罪

贱之患但既可以供賦役可以作贖金亦自無难 時其錢太少數十年後錢更太多當議於初年則 塞之時而収之以十文五文為制散之以十文五 多費資本三十年後乃以漸而殺即可免錢多而 利而亂大謀者也百姓既無逋賦其為國家之利 有沮臣議者則謂錢質太重難為綱運此則計小 重而不可得故臣當謂朝廷利權莫重于此也或 文為制其權皆在朝廷則市井田野之民雖欲輕 譚寶敏奏城 **十**五

金ケローイー 策岩此法 多百姓漸至般富賦稅無逋府庫充實軍國之需 内即相率稱便于時臣言有據朝廷議發資本必 未之思耳陛下誠能斷然行臣之言一二年 間海 鉅而費之最微者是感也或又謂取效之建則亦 重墜之物可以議折而顧不之議乃議其利之最 甚博寧論綱運之費哉彼天下軍器胖襖之類皆 裕而邊備為之益振矣抑臣又聞之救荒無奇 行則殼栗不至甚賤百姓務為積貯

口嚴吏治夫國用之匮固由于百姓之不足而亦 聖裁 有司之職不舉也臣惟貢賦乃惟正之供在唐虞 此實古人已試之成法可以為制國用之大經故 **藏而自足貧者亦易于雜貸救荒之策亦寓于此** 夏商之世所不能免催科實有司之職即襲黃卓 臣以為鑿鑿可行不容一日緩而不講者也伏乞 不肯輕以售人遇有水旱五蝗之灾富者取諸蓄

てこフョ ハー

潭襄敏奏議

金少四度全書 非 於百姓此通負之所以日滋而紀綱所為大壞甚 問習為因循茍且之政于以固位而持禄其流之 有司者多不知當務之急輔以姑息而獵名為監 魯其人亦在所必先直行之有法處之盡道不至 **弊遂至於監司之令不行於有司有司之令不行** 虚用其民斯撫字惟科並行而不悖矣乃今之為 司者惟恐失有司之心競以寬大為得體上下之 治世所宜有也臣愚謂宜請乞劫下該部特行

てこしりょう きょう 當其考淌行取陞遷到京之日吏部仍照例送户 咨報户部知會拖欠多者即照例祭論而無降之 准離任不及數者留任追徵完日方許放行仍各 亦必嚴覈其錢糧冗欠之數錢糧徵解及數者乃 不得陞選考淌行取即遇陞選考淌行取撫按官 申明祖宗徴糧法例在有司必以任内徵過錢糧 之分數以定其殿最比錢糧有通即他事稱賢並 分數以考其賢否在監司必以任內督過錢糧 譚襄敏奏議

金ケロピノー 成其因循苟且之習如此則人心知警吏治自嚴 姑息者輒以為賢衣冠之士又從而和之撫按又 而通負為可少矣然臣又有說馬愚民無知不諳 名而擇利矣如之何能使吏治之修而財用之足 大義每遇有司之盡職催科者即指以為不肖務 部覆聚著實舉行務盡法例並不得有所遷就以 也然其轉移之 從而聽之自非特立獨行之流鮮不易慮超時全 /機特在撫按為撫按者果盡誠明

欽定四庫全書 三曰重蠲征夫國用之匱固由於民貧而吏慢臣謂 母偏聽信修實政者雖衆惡而必察飾虛譽者即 亦由蠲征之令太數也夫虽蠢之民並生於天地 **吏治有闋於國計真不淺矣伏乞聖裁** 由是而衆志可定任事任怨自有其人其有補 顯斥以示懲凡有舉措必出至公至明至精至當 良民者率知奉法而務先惟正之供彼敝民者習 間至不齊也固有所謂良民亦有所謂敝民彼 譚襄敏奏議

而加賦於民彼良善者又相率效義而頑梗者輒 以勸善而反以惠姦如此則虽虽蠢蠢之民又安 使頑民得志而良善易心是朝廷曠蕩之恩不足 廷有法以繼之俾不得幸免庶幾乎善者知勸而 通負如故是頑梗之民適所以為良善之累惟朝 為梗化而每違三限之例比至國用不足弗獲己 惡者知懲可以化頑而為善乃或者不求其梗化 故惟見其積逋之多遂為之建議而蠲征之致

欽定四庫全書 四曰查額糧夫國家衆建衛所暴列中外除錦衣衛 得輒議蠲免其習為逋負恃碩不納本等錢糧務 非常慶典與地方有水早蟲蝗重大災傷之事不 得不更相做效相率而為敝民耶此逋負之多而 矣伏乞聖裁 至獨累而敝民亦知所創懲奉法而常賦為有供 經制之乏盖亦有由然矣臣愚請自今非國家有 令有司論罪如律不得有所寬貸如此則良民不 譚襄敏奏議

及各護衛儀衞司蕃牧所外計為衞凡四百九十 足食而老疾亦有養馬且給糧之限盡如兩京月 在此數當其始也軍無缺額粮有定科不惟壯軍 百一十三萬八千三百名而指揮千百户等官不 不過五今軍伍消耗尺籍徒存除錦衣衛外計中 屬所二千五百八十八為守禦千户所凡三百 十五每所額軍一千一百二十名通計額軍三 馬步官軍大約止可八十四萬五千有奇其在

有之而蕃盛視昔數倍而民間之糧額亦稍以宗 盡以搜諸額賦之內也其殆宗室蕃盛之故軟然 其聚寡之數亦不盡同且亦有無宗藩之地矣即 者有之數月者有之不知當其軍伍充實至三百 外都司所屬官軍俸糧又恒不時給至欠一二年 固未 當增即當以他事增之要皆加之于民未必 消耗不止三分之二何至匮乏如是彼起運之數 十三萬八千三百之時何以軍實皆足今軍伍

人为·司和· 在上百

譚襄敏奏議

Ŧ

謂糧剩即臣所謂額的也臣按福建為衛凡十 臣告當巡撫福建四川 糧總較其出入之數臣謂積之數年且不可勝紀 藩之故而增之而宗藩之禄亦多支不及時不知 為所凡十二共該額軍十萬六千四十名乃所存 数止見福建每年尚派有糧剩銀十萬兩彼之所 所出然亦指在京與各邊言耳若以天下存留之 其故何也今以户部計之每歲所入誠不足以供 及總督兩廣軍務於稽其

金りひん

11 11

これのある **鉤至今類之比至四川兩廣查通無糧剩一項及** 臣當建議與繼臣巡撫者悉心清查以備水陸兵 是要之除水旱蟲蝗蠲征之外餘皆逋負於民時 百姓自起運錢糧之外至於存留報緩視之茍可 推之天下當不相遠大抵多通負於民耳盖有司 考其留存之數與見在軍伍則的額常盈以是而 不能四萬其派則糧銀當不止十萬兩而數止於 以足官吏師生之廪顧即官軍枵腹不知恤也而 譚襄敏奏議

當其軍伍全盛之時合用糧飼若干今軍伍消耗 北直隸各府清查所屬原設衛所若干官軍若干 要務而又請乞勅下户部通行十三布政司與南 治之慢者以此為今之計故必以行錢法為第 加賦於民存留之數是否一歲所入止足以供 運若干存留若干起運之數通年有無增益曾否 若干合用糧餉岩干又查所屬原額錢糧岩干起 况其餘剩乎故臣謂國用之匱由於百姓之貧吏 次定四車全書 人 五日肅屯政夫屯政之當修諸臣議之備矣且沿邊 裏將欲著實而舉行也何則九邊屯田臣未周知 會算不得輔以大約為言含糊了事各造册送部 歲之用果否别有盈餘務以已往派支之數從實 得已之計矣伏乞聖裁 亦當知設施措置之宜而不必紛紛為一切必不 又遣大臣以專董之臣復不能無言意專在於幅 與撫按官查理如此則天下額的可清而謀國者 譚襄敏奏議

富之故則由先年請去二護衛而二護衛之屯田 幅裏當國初右武田皆膏腴使能著實舉行所收 屬馬其徵收子粒亦止如例每遇水旱蟲蝗飘又 且又恪守祖訓不敢一毫侵損於民臣因求其致 帝之命巡撫四川見蜀國之富甲於天下諸王府 可以其半轉而輸邊臣非敢臆說也皆臣當奉先 且 子粒殆足以充見在軍食之半其坐派存留民糧 軍伍多耗耕者之人或馬方段事難舉舉惟是 大小刀 Asterna 種也比至比并子粒則或壓于本管而不敢言或 豪民亦得而兼并之稽之册籍則曰某軍某餘所 屯田軍得而典賣之矣豪官豪舍又得而占種之 獨免有差特自獨免之外不復有升斗通負遂因 足神軍的之什一何居臣以為法之廢也彼今之 而下多官以任其事誠重之也乃所徵屯糧曾不 而又專設奉劫屯田憲臣與考選管屯自都指揮 以致富馬臣嘗謂國家屯田不知其幾百倍於彼 譚襄敏奏議

金クレノ 奪之還官占種者治之以法兼并占種而子粒無 都司備查所屬屯田額數與其田之所在兼并者 蜀府兩衛之田足以富國可慨也臣愚謂宜請乞 之例多閣而不行遂使朝廷以下屯田之多不如 任法即奉物憲臣亦未必任怨而任事住俸降級 在管屯官旗又從而侵欺其間為都司者既不得 先已取典價而難言或軍以逃亡而不知田之所 動下該部轉行各撫按官嚴督屯田該道)與管屯

得姑息寬貸盖屯田既屬膏腴而自辨納子粒之 逋且能自首者則貸其罪俱以隆慶四年為始通 印官但有催徴不及數者俱住俸降級有差並不 及時催納不得升合通負其管屯官員與各該堂 以耕而不至於轉典於人斯可矣至於子粒則務 無力之軍即不給一栗而不謂之刻惟取其力足 行清查派俵有力之軍即多給數票而不謂之濫 非如民田復有里甲之征均徭之役民壯之

火足 甲至三

譚襄敏奏議

收開除實在四柱造册送撫按衙門數實奏繳 也之官又從而故縱之臣謂即盡法以絕亦不為 過其屯田愈事每年仍将督過屯糧分別舊管新 驛傳之費百計取盈乃又并其子粒而道負之管 皇上賞罰而無防之如此則責成既嚴心政可舉 **造青册送部稽查其完欠之數段最其功罪請於** 流言亂正搖動人心怨乞聖明遣官會勘敢臺以 而軍計為有頼矣伏乞聖裁

座於軍亦不甚勞每臺除雇募匠役買辨釘鐵麻油之 班值臺每防以三月之久二百五十人之衆共建臺 節省以為將此見在主客官軍分為二班一 17 12 D ... 7 1. 1. 1 力和衰協恭以求必濟顧當建議之始深慮時詘週為 事竊念斯舉為守邊第一要務國家萬世永圖殫竭心 臺三千座以備防禦兵部題奉欽依咨行臣等欽遵察 臣會同巡撫都御史劉應節建議於昌劇沿邊增設敵 定國是以全忠計既隆慶三 薛襄汉奏議 班操守

能成上等者民間千金所不能成中等者民間六七 金所不能成及查其雇募石匠之费有每名每日费銀 壯臣等竊計其臺之上上等者其民間千五百金所 等路閱視臺工則見各該官軍爭先趨事競為偉嚴閱 節同出黄花鎮石塘橫古北口曹家寨墻子嶺馬蘭谷 里燒荒之地採取本年四月間臣會同巡撫御史劉應 規聽各路取屬蕃一二人為質以尖夜出邊外數十百 外其磚石皆從各軍自辦太料則照採柴砍板撫賞成

金ケロニノー

钦定四車全書 犒賞銀五十兩臺之上等者增給四十兩臺之中等者 報近據京管把總楊承業真稱敵臺一事都下萬口一 増給二十五兩又別取花紅牛酒以優勞之約侍秋工 費又竊悔當時節約之過乃議於臺之上上等者增給 **衆議將欲止工事體未便不止恐致後悔等因到光光** 詞皆云無益徒累軍逃死且砍伐樹木為後藩籬之損 會算已定然後具題本月初六日總兵都督底繼光揭 | 錢二分者臣等先議給銀五十兩適足以供募匠之 譚襄敏奏議

之外 岩觀火何謂無益 謂建臺無益以邊墙較之臺高兩倍四面禦敵比之邊 詳此言必是做工官軍有在京揚播鼓扇又或新調 軍為之倡言乞軍門轉告當道見得取木于數十百里 十兩今計一臺百兩之銀幾數修邊墙五丈僅及此 艾二三尺與八九尺高者熟為可恃熟不可恃 面半截之高而堅好又萬萬弗及是誰為貴省如 損何藩籬如謂築臺浪費則先年修邊每丈給銀 如謂軍因臺逃則前此軍士不加於

次 足 日 和 · 書 亦是敵臺累逃否也若臺必當止吾亦曰當止以後敵 有不半日即達都城之下庚戌之事可亞殷鑒臣畫此 至耳目所不能及足跡所未當到之處其邊墙頹毀以 至於薊邊其耳目所及之處治有一墻之厚以限中外 痛哭流涕夫薊鎮之邊與諸邊異諸邊於京師為外藩 入誰任其各等因備揭到臣臣讀之不勝大駭繼之以 今日今日軍士不成於昔年十餘年來補練數目俱存 軍而守數丈之墻僅同兒戲何濟防禦且越此一墻 譚襄敏奏議

言緣有姦人先因阻撓臺工稽緩期限故違則式或被 情大定臣等又益竊自喜復以為宗廟社稷之慶今顧 以中傷臣聞者未察所由能無聽信轉相傳告勢所 有 臣等成舉手加額以為宗廟社稷之慶當其舉事之初 勞永逸之圖為陛下国守此**邊仰**蒙陛下俯賜俞允 鞭笞或恐臣杂論乃交構黨與廣布流言陰壞成算 情亦落落難合比春工既峻庶謀儉同秋工再與 此流言要非做工官軍在京傳播亦非新調京軍倡

少定四車主書 告在南方亦有犬馬

微勞將臣削籍放回田里保全骸 而防邊大計終至狼閣難成伏望皇上鑒臣思忠合臣 使赤膽見疑忠謀多沮臣身一日不去浮議一日不止 事者深足惜也此皆臣素望不足服人小才弗堪任大 亮之臣他日且将以臣為戒誰復敢為陛下任怨而任 如此其甚也夫臣之一身良不足惜亦不敢惜但使忠 不意即加以損壞藩籬之言欲中臣以奇貨以快其私 免臣初亦嘗聞之但以為茍有益於國家何事瞻顧誠 譚襄敏奏議

前來會同前鎮督撫等官將劇昌一十四區邊墙逐 路是否得策每臺止費數十百金有無糜費邊外樹木 法今建敢臺果否閱麗堅固可垂久永據臺守牆扼馬 躬親路看有無足恃擺邊株守每軍分地若干是否良 骨别選才誠素著大臣一員前來代任保固封疆以衛 其價事而處其人孰若擇人以重其事朝廷用舍之道 程臣雖伏在就弘心亦自安此非臣敢為規避盖與 如此也仍乞特遣大臣科道及兵部該司官各一員

ことのしいい 國是定而浮議自息人心安而邊事日舉矣 家水利則乞治臣之罪以為舉動乖方者之戒如此則 臺亦與尋常邊工無異靡資防守徒耗錢糧不足為國 徒委官虚應故事如果臣謀未左邊計有禪仍乞責成 是否堪作藩離今所採臺木曾否以屬蕃為質出採數 **督撫諸臣相繼代終于以奠宗廟於磐石之固如或此** 十百里之外於藩離有無傷損務要一一親身目擊毋 添設將領團練車營以圖制勝疏隆慶二年 譚襄敏奏議 月日題 =+10

箱戰車一百二十輛依式造完俱運到鎮每車中用 金り 見在堪用又查得軍門標兵兩班每下班該 查得廣寧步哨軍五百名左等九哨無馬軍九百名 :\\\. 杆用挽車扛架打放火器步軍二十五人 拒馬鎗架上用長鎗十二杆下用雷飛砲快鎗亦各 撫遼東都御史魏學曾咨查得新設車營議用偏 ピんノーモ 用管田見占軍五百名似可改用合無即以作 架上用佛即機二杆 下用雷飛砲快鎗各六杆 八共該三

廣寧左衛都指揮食事馬文龍原任遊擊今聽調義州 惟復仍于東南山一帶流寓及土官舍餘內召採再照 大三司三人 衛指揮僉事徐國輔見任險山祭將郭承恩皆堪是任 於正遊兵營弱馬軍內查撥及稱原任遊擊今聽降調 練熟問另議裁革將官並千把總應用軍馬三百名即 有生缺干涉匪細似應暫添將官一員專管其事候團 有千把總分管號令靡一承聽不謹萬一臨敵之際少 車營係今創設軍未習見一切進止開闔施放火器雖 譚襄敏奏議

三 正 即 一于裹之績良以聚寡之勢本自懸絕而以騎射 後更稱多事連年防禦雖幸稍奪敵氣而猶未能 技棄不 所 犯敵人之所長耳今既設立車管遇有大犯負 合題請等因到臣臣議照遼地三面隣邊又值凋傷 千砲齊發 謂運有足之城者衆非所應 可長驅之邊彼即數萬亦足以相抗于塞垣之 知用故彼得逞其弧矢之巧耳車管若遇大 動踰數百步彼雖精於弓馬自無所施 利也火器本中 報到 相 角

ŗ

区

压工

TOTAL MINE MILES 壘戰守相資即古稱有制之兵四利也彼者舍車管而 勍敵令人重馬輕步是以應用不無窮窘車營火器得 謂以我之長攻人之短者二利也古人馬步兼將戰無 之遺意五利也步哨與各隊無馬軍向皆置之無用間 仍驅車營以衝之竒正相生即古用車為櫓以破匈奴 肆掠則出管中馬隊及各處伏兵足以衝擊如其聚結 盡步兵之用助馬所不逮三利也且行則為陣止則為 多影占歇役者令化腐為新不增甲兵不费糧餉而得 譚襄敏奏議 =+

精兵一 金ケログノニ 戰且耕之義七利也以遼方振之兵當連年不得志之 以命中則其債事之患又有大可慮者故臣謂經練車 設之初士未練習總兵官既將騎兵若将此管勢有所 敵再以此車管乘之臣愚料知其有必可取勝者但創 專官督之無事則相從耒耜有警則戮力戎行得古且 麾萬一行止不足以適節變化不足以應機火器不足 不問在平時必不得專其督教在臨敵必不得親其指 枝六利也管田軍故皆費操今結為一管而以

内動合紀律藝皆精問遇警則将之以戰居常則驅之 遊擊馬文龍徐國輔一則忠廉驍俊而火器素諳一 管全在得人非專官領之不可也所據該院查舉原任 擊事責令專管團練車管兼理管田事務務使一管之 即于前項各官內推用如欲用郭承恩仍以祭将管遊 虚設初下兵部從長酌議將所建車營添設遊擊一員 智過人委皆謀勇可用伏乞聖明軫念戰不易圖管難 果敢明達而戰陣人歷見任然將郭承恩英奇自負機 則

次定日草之書

譚襄敏奏議

亦 岢火牌飛報開稱隆慶三年九月初三日五更時據右 准兵部咨職方清吏司案呈奉本部送兵科抄出兵科 以耕似為兩利兼濟岩處官兄姑從暫設待其團練精 都給事中張鹵等題非初五日酉時據大同總兵官趙 而裁華之聽臣等于該鎮廢開將官內隨宜委用是 策臣愚慮不勝悚怖懇祈之至 謹中里諭的諸臣以急圖戰守機宜疏隆慶三年 題二 0 八月二十

初二日已時哨有五百餘騎從小水口邊進入往南行 其勝算威敢神機應變固已即使將領傾心敢人丧膽 逗遛以致誤事重罪不饒欽此臣仰惟皇上此論 馬星夜前去與同趙岢併力截殺不許沿習售套觀望 兵已進大同邊内你部裏便行與陳其學急發馬芳人 應援方具草候題間忽聞喧傳聖諭説與兵部近報北 走後灰塵不斷等因到科臣等隨即有擬議欲請徵兵 衛城守備唐增差二邊衛比墩夜不收李思公報本月 出

大三三三三三

譚襄敏奏議

+

勝若由此而南窺廣蔚則紫荆一帶西窺忻代則太 固 頗朱大器謝朝恩李勇與譚倫劉應節戚繼光等各宜 其停蓄未洩之思為兹威逞不戢之勢據今從入之地 囬 視臣所擬書生原議更復何為但諸部陰謀巨測以 可不戒嚴謹備以慎先圖再乞動下督撫鎮總斬學 大同當其衝其在總兵官趙岢督撫陳其學李秋王 路若再逞其聲東擊西之謀則薊鎮近密之防尤俱 固當誓死竭力總兵官馬芳固當戮力同心以期少 原

金り口ん

欽定四軍全書 繳 無在我羣力畢伸諸部鋭鋒項過天成 震连而聖懷 領等官遵照前占協力戰守務保無虞欽此欽遵抄出 可慰矣等因奉聖旨這所奏著兵部申飭各該督撫將 上差人飛傳各鎮知悉仍即取據各奉到時刻一同奏 副里懷再乞勅下兵部將臣疏得勅旨之時即火速馬 使未窥之地匹馬不入已入之邊秋毫無犯以各求仰 仰體我皇上勃令馬芳與趙岢併力截殺聖諭務要義 同仇心 切共濟敵至則固守疆域相機則互相策應 譚襄敏奏議 二十四

陵寝臣仍親督標兵候有警急馳赴應援及塘報兵部 昌平鎮守兵備等官各整捌主客官兵謹固邊防慎裁 圖倒馬龍固 送司案呈到部擬合通行為此合咨前去煩 奉欽依內事理行令各該將領一體欽遵施行仍具奉 案照先據傳報敵人從大同右衛地方入犯該臣 督行保定鎮巡衙行并兵備恭遊等官嚴謹紫荆浮 刻并遵行過緣由各徑自奏敏等因備咨到臣 一帶關塞遇有侵突併力截禦及又嚴督 脱該科 題

開導依案驗事理備行各路将官領支椿明銀兩次買 據薊州永平密雲昌平各兵備道祭政等官楊錦等呈 警急相機策應外合具奉到日時先行奏繳 官各整搠軍兵謹固守禦臣整搠標下各管兵馬遇有 除臣恭遵動吉即時再行申飭督屬鎮巡兵備副祭等 又經通行嚴切申戒比常益加嚴謹咱備外今准前因 知會去後其家雲迤東各路臣又處土蠻等乘機入犯 申明售例查覈馬疋以重修攘疏

决定四車至雪

韓東級奏議

三

完日将買過馬匹毛齒用過銀數造册奏繳青册送部 督同各該將領照依原議價值收買廳壯好馬驗印 各管路見在貯庫椿朋銀兩照數動支分發各兵備道 輔咨該兵部題稱合候命下咨行侍郎 册呈繳到臣據此查得接管卷內該前總督侍郎曹邦 過馬匹毛齒動支過銀兩數目充給過官軍姓名造 征不許濫收老弱不堪馬匹冒破官銀糜费草料 曹那輔將二鎮

買

匹陸續解送本道驗估明白印烙給軍騎征外各將

,

管路支用銀兩買過馬匹俱經各兵備官驗估給軍領 准户部咨前事備仰會同本鎮管粮衙門查議即今户 據整飭密雲兵備右祭政凌雲翼呈蒙總督軍門案驗 查覆明白逐一類造文册完備理合奏繳 養騎征內有餘剩銀兩收庫聽候下次買馬湊用俱各 照該臣接管又經節行催督去後今據繳到查得各該 查考等因題奉欽依備咨前來准經通行各道欽遵查 明會計以通時變預遠圖疏

赴定四事全書

譚襄敏奏議

有無室碍查議停妥申覆以憑通呈准該前任任郎中 粮從長酌議應否改納京通二倉該鎮軍的發銀召買 撫劉都御史案驗同前事備准煩將部議山東河南漕 手本田稱卷查隆慶二年正月內先准本道手本蒙巡 通呈施行蒙此行准總理密雲管粮户部郎中王以纁 雞買於事體有無便益務要從長計議經久可行具由 部發到銀兩雞買議改京通二倉米石應該作何設法 行據管餉通判史篆呈稱查得本鎮地方牆子古北石

发定四車全書 塘三路俱抵極邊一牆之外即盡沙漠牆內多係崇山 萬四千餘石邊方米貴添買尚難又客兵每歲兩防并 方雜買歲用主兵本色該米一十五萬六千餘石除漕 本鎮軍餉督責商人每於通州三河張家灣河西務地 邊患民亦凋殘况東連劉永西接昌平悉供軍需劇地 峻嶺其中可耕地畝不多且沙石攙雜原無出産家雲 縣僅轄十里所居者率食粮之軍鮮耕耘之户屢遭 正耗共米一十一萬二十一百有零外該添買米四 譚襄城奏議

尚為未便將責之於本鎮商人而各役告非額編屢苦 每歲不過一萬三千餘石發通州三河平谷等州縣富 難將發之於附近州縣而州縣無幾查得先年預買米 買則主客共該召買米二十餘萬石倍加往昔其勢益 比併亦且難完茲又加以原額漕粮正耗之數抵石雜 户運納在民則多稱員累在官則遠調難惟如此數少 **關院預買及凌補漕粮三項共米九萬三千有零經年** 如更代既難責諸無產之華而選增又

· 定四事全書 ■ 嚴月支軍粮時不可缺萬一主客並雜備運不前干係 家以一商而兼辦數倉每次領銀動及數千餘兩不惟 匪 **吃運邊軍聞風告擾不過懲先年吃運之覆轍畏米色** 攪和之粗陳耳尚且震襲如彼近日東 西侵犯邊戒益 恒產不足以抵所領之數抑且運納顧此失彼如此 細合無轉達俯照舊規仍將河南山東漕粮徑運 者思恐可數及查先年漕粮改寄通倉令本鎮如數 何堪督併甚至產簿之家賠辦不敷罹重獄而見監 譚襄城奏議 三 十 ハ 困

此看得容雲鎮漕粮十萬四千八百一十石八斗昌平 於商人備運不前相應行會煩為通呈等緣由到道准 别議矧今正當買期委應從長計處但本鎮雞買悉籍 怨大率謂復漕運之宜斯邊儲之有賴其設已詳似難 管餉通判史篆所呈慮地方雅買之難鑒空運啓軍之 等因據呈會覆本道備由通呈外令准前因看得先據 鎮交納務與設法速收早極運卒實為邊方萬全之策 一萬九千二百七十二石五斗共該漕粮正米!

栗已為寒少每年除漕粮之外主客兵餉共添買九萬 兵之計但查客昌二鎮逼近邊關皆沙碛之地出産米 管粮郎中酌量雞買備用無非通融措處以為足國養 比照大同事例於隆慶三年為始每年預發銀兩劄行 奉詔將漕粮改折十分之三思患預防議將茲雲昌平 用令户部以京通二倉存貯米數既少又因隆慶元年 二鎮前項漕粮輸納京通二倉以足舊額將二鎮軍餉 四萬四千八十三石二斗節年俱運本色以備主兵支

ションショ

譚襄敏奏蘇

主九

急之患合候題請將河南山東二省漕粮共該正米 似應仍舊漕運本色乃為濟邊經久之圖庶免臨期告 倘遇年歲不登疆場有警主客官軍嗷嗷待哺何以應 節年召買俱稱消乏往往侵欺逋欠其力豈能再勝 州縣而州縣必以此責之召商且各倉商人既鮮殷實 該買米二十餘萬石黃爾邊色豈能取盈欲以此責之 三千有零尚且難完若又将漕粮改折羅買則每年共 ノントノロ・ア 即審雲而推之昌平亦可知矣事関重大處難更易

・プランコー・プラコローグ 十四萬四千八十三石二斗仍運至本鎮交納惟在設 京通二倉三百四十九萬二千六百五十五石四斗加 州倉班軍行粮昌平宻雲二鎮軍餉外毎年實止運納 内除剃鎮三十萬石又以湖廣顯陵承天減折與撥劇 十五六萬石計之僅足二年半支用而漕粮四百萬石 倉存貯粮米共止七百萬餘石總以各衛官軍月支二 具呈到臣據此案账先准户部咨該本部查得通京二 法速收早蘓運卒庶軍餉克濟而緩急亦可恃矣備由 譚襄敏奏議

額其昌客二鎮軍餉照數議行比照大同事例於隆慶 四萬四千八十三石二斗改正輸納京通二倉以足舊 昌平鎮三萬九千二百七十二石五斗共該漕粮 之外所存無多萬一河道阻澀輸運不達白粮亦阻六 以拖欠漂流崴不下二十餘萬石今歳漕粮改折十分之 たりせん 非售額近撥客雲鎮漕粮十萬四千八百一十石八斗 宮百官之需皆取之太倉實難措備預為計處查將原 三内各衙門歲派白粮奉詔蠲半若或撥支凑給歲用

スピヨラ 八十五 息該年暫如漕司所議收貯通倉本部差官空運 給隆慶二年該鎮糧餉雜買已遲遠運官軍又急望蘇 預發銀兩委官照數雜買上約該鎮倉嚴以備邊軍支 年為始將官軍原運客雲昌平二鎮漕糧改復京通二 題又該本部議覆行薊遼總督及漕運衙門自隆慶三 納昌密二倉等因本年十一月内為公務事該漕司議 倉上納其該鎮糧的比照大同鎮事例每年秋收之始 三年為始每年預發銀兩秋收之時委官抵石羅買上 譚襄敏奏議

總督倉場本部左侍郎譚綸劄付管理太倉銀庫主事 武尚賢查將庫貯折糧銀內動支七萬三千三百六十 預發銀兩星乞酌處具題案呈到部為照給兵芻糧貴 遵去後及查隆慶二年歲用漕糧見今空運隆慶三年 自後該鎮不得援此復更等因俱經題奉欽依通行欽 二鎮漕糧應於隆慶三年預發雜買但銀必早發則如 失事以有備酌時糴買尤省價之善籌所據議改昌家 耀買之時便可酌行相應先期請發合候命下移咨

金りせんとこと

錢五分給發昌平鎮及劄付客雲管糧即中王以纁昌 七兩五錢六分給發密雲鎮二萬七千四百九十兩七 欽定四庫全書 米價未平之際輕發先買致商人遷延市利虧損官銀 隆慶四年上半年主兵軍士本色月糧支用亦不許 該鎮收貯酌量三時之内但遇市集稱裕米價平賤之 平管糧主事吳哲各照數具印信領狀差官前來領回 際即便立限雜買前項議改京通二倉米石之數專備 能斟酌雞買抵補漕糧外積有多餘亦要明白呈部 譚襄敏奏講 1

議在隆慶二年則於通倉空運在隆慶三年則從本鎮 府地方都察院右会都御史劉應節議服昌家二 給發欽此欽遵合咨前去煩照本部題奉欽依內事理 以憑箕作隆慶四年應發主兵年例等国隆慶二年十 據前因該臣會同整的薊州等處邊備魚巡撫順天等 該漕糧一十四萬四千八十三石二斗上年該户部題 月十六日本部尚書馬缺 ()連查照施行准此就經案行該道查照議呈去後今 等具題奉聖古是銀兩准 一鎮售

糧至於密雲縣牛欄山等處交卸俱從户部預行通州 欽定四庫全書 於人舟盡喪夫細民造舟以資生也既絕其生又抵于 遂行攙水其間因而蠶食者果既經查出速繁纍累至 凍之苦至今年二月 氷泮乃去且小 民無知一時乏食 官給船錢但先期已有守候之難比至半途舟膠不進 管糧郎中刷雇民船領運大小不等動該數十百隻即 雞買夫吃運將以蘓漕卒也但臣等查得去冬吃運漕 又行起陸有司所雇驢脚勢不能多河水復合又有守 譚震敏奏講

漕卒之為便至於就本鎮羅買之說不過因元年二年 實類此臣等以為與其累無辜之小民孰若用本等之 高水淺出産既微商賈鮮至見在七路主客官軍共計 為例耳盖不知昌客二鎮地方僅如彈九土豬人稀, 法是漕卒雖無而船户又病孟子見牛未見羊之諭事 **奉託蠲免誠恐京儲不足因為一時權宜之計遂定以** 及雞買糧米僅足以周半歲之用其餘則關支折色要 八萬八千有奇而諸路入衛往來者不計馬每歲漕運

攢人等不得索勒漕卒如此則地方之米價可平兵食 鎮每歲漕糧一十四萬四千八十三石有奇照舊撥運 糧郎中王以纁身任其事目擊其期有此議呈臣等所 **歉臣等誠不知事之所終矣今兵備恭政凌雲翼與管** 皆在於本地雜買視官買之數已盈一倍若又并買漕 スコンフェ 以不敢不亟為之題請伏望勅下該部將昌平家雲二 二鎮上納臣等復行管糧即中主事嚴禁監收監運官 即在豐年亦不免頑使米價翔湧軍民皆病更遭微 ` • 譚麗敏奏儀 四十四

科都給事中張鹵等題前事開稱查得前鎮各邊軍器 咨開練兵管軍器要行照數解銀赴彼自造為照前管 准工部咨虞衡清吏司案呈奉本部送准兵部咨該兵 例脱有警急臨期奏討軍火器械破格給發今該兵部 額有軍三民七銀兩打造應用本部售無解銀自造之 可足商人無負累之苦船户免空運之病一舉而數利 存馬邊方幸甚臣等幸甚 申朝謨獻愚衷以預飭防秋大計疏

金埞匹庫全書

スアコラーをいう 光前來總理訓練專備截殺又於浙江選取鳥銳手三 開送過部以憑酌議題覆等因備咨前來案照先為懸 處召募充補共數岩干合用盔甲軍火器械岩干明白 查三大管操練軍兵是否原額蒯鎮挑選人數或係別 係是新設原無軍器銀兩比與各邊事體不同相應行 標下標遊二兵及於十路稍緩策應兵內抽取合三萬 乞聖明早定廟謨以圖安攘事該臣題議以軍門鎮巡 列為三管每管各分為三軍請以神機管副將底繼 譚襄敏奏議 四十五

金りでをくる 部覆議三大管事宜緣各兵挑選未定聽戚繼光到彼 千名以為衝鋒破敵之用合用戰車軍火器械盔甲 練之兵必不可已為今之計莫若於原設遊兵十枝之 拘寧紹等處但係曾充兵役善於鳥銃者召募三千名 與譚綸再行詳議具奏本部備咨浙江巡撫趙孔昭 項聽臣與巡撫都御史劉應節另議題請等因題該兵 卷尋該都督戚繼光到鎮領事臣與本官計議三萬訓 與見成鳥銃前來防秋等因題奉欽依備咨欽遵在

欽定四庫全書 光至自閩越觀其所帶軍中素用什物率多銳利精堅 家雲一管俱聽都督戚繼光往來總理訓練等因已經 中除振武遵化二枝已經議取外合再取石匣建昌求 事中張鹵題稱兵部右侍郎冀闕至自宣大都督戚繼 具題去後續准兵部咨該吏部等衙門議覆兵科都給 定為三屯一管以根武石匣二管合臣標兵二枝定為 定為遵化一營以建昌營一枝合鎮守總兵標兵二枝 平遊兵三枝内以遵化永平管二枝合巡撫標兵 譚襄敏奏議 中大

中自造免致虚费等因題奉欽依欽遵備咨到臣先是 上則當先以火器為主而各路見火器雖不甚精亦差 臣 械之未責實效也合將練兵管軍器照數估發價值彼 至於公家造作不惟鐵刃不網筋膠不固抑且式樣不 合軍中用之不過以為觀望之具夫公家歲出數鉅萬 於受命之初即常反覆思惟控制之策果能禦之 /資以造供軍器乃使軍自為備其費徒委谿壑此器 可當百問其所以乃曰皆其家丁自造以供實用 者

次王口三人三 詳不可得聞已惟先朝大學士李賢當有車戰之議載 加馬古人以車戰之善得志沙漠者固不可勝數然其 之虚車可也是車與器盖相依為用而言禦敵之策莫 有戰車而不輔之以犀利之器則其車不能自存雖謂 徒有犀利之器非車則無所於施雖謂之虚器可也徒 以止其衝突之勢亦必有迅疾火器以破其堅厚之甲 足用至於或潰牆而入則決非車戰不可盖惟車乃可 又必有利刃粗挺以乘其奔北之敝乃為計之得也若 韓襄敏奏議 四十七

在 樂銃砲備之必多乃可持久至於盔甲刀槍團牌棍棒 練兵三萬合用戰車七百輛将圖與敵開陣決戰其火 機鳥嘴銃之利耳臣因與總理練兵都督戚繼光熟計 參之者 與之先後合轍惜其立論之時尚未知有佛即 比以臣與都督威繼光俞大猷三人所製之車取其說)類亦須色色全具方於臨事有濟及查各管見在軍 器械率徒為觀美無益實用且內多朽壞僅充名數 皇明經濟録者其言實鑿鑿可行臣初固未祖其說

11-11

欽定四車全書 喷筒八千四百把該工料銀一千一百三十三兩四錢 部不可尋該總理都督戚繼光備開合用各項軍器數 共該銀一萬二千一百七十四兩七錢五分車內合用 七百輛每輛工料銀一十七兩三錢九分二釐五毫通 目前來行據密雲兵備副使張學顏呈開估計得戰車 訓練之用戰車僅堪分發為式至於大造自非仰給工 委官督造鳥銃一干架戰車三十輛然鳥銃僅備目前 臣雖權行動支密雲縣庫野民兵銀兩以臣帶來浙匠 即真無奏議

简該工料銀一千五百五十兩八分鉛子一萬四千斤 共工料銀四千五百三十三兩一錢三分鳥啃銃二千 連盛鉛子桶七百箇共工料銀 分六釐火箭 百把每把工料銀一兩三錢五分共工料銀三千七 八絕該二萬八十條計重七千斤連盛貯木桶二百 四箇共工 十兩鳥銃樂二萬八千斤連盛樂磁瓶二千八 料銀五百七十一兩七錢大鐵統二百 四萬枝連盛箭落桶一千四百箇 百五十五兩綿 Ō

次中·司马及·马 大鉛彈一十五萬一千二百箇該工料銀三千四百二 大鉛子二千一百八箇該工料銀一百六十八兩四錢 千六百門并鐵鎚鐵送剪刀各一千四百件樂匙八千 八分六釐八毫粗火樂二千八百八十斤連盛樂磁瓶 二百八十八筒共工料銀七百六十兩八錢四分八釐 三十四門并鎚送等項共工料銀三百二十九兩九錢 八分銅佛即機一千四百架每架提銃九門該一萬二 百件共工料銀二萬六千八百八十六兩六錢六分 譚農敏奏議 19

錢錢义一千四百把該工料銀五百六十七兩白棍 錢長刀一千四百把該工料銀一 手腰刀一千 千四百根該工料銀三十七兩八錢弓箭一千六百 兩車正隊長横竹旗桿一千四百根該工料銀 十副每副弓 七兩二錢團牌一 千六百二十兩箭手腰刀一千六百二十把該 四百把該工料銀一 張紋 千四百面該工料 係箭三十枝撒袋 千六百五十六兩 千四百五十七兩四 銀五百九兩 副 百

U

安定四車全書 工部 屬新뵗之數其見在三萬俱是本鎮標遊之兵但既责 到臣具題問今准前因除將估計備細工料數目開送 銀六萬三千九百六十五兩八錢九分八毫造册呈詳 七百九十一兩一錢四分八毫連前造車工料一併該 工料銀四十三兩七錢四分以上共工料銀五萬一千 二十根該工料銀四百五兩大棒一千六百二十根該 料銀一千六百八十六兩四錢二分夾刀棍一千六百 該臣看得所練之兵惟浙江鳥銃手三干名係 神褒敏奏弱

核並無胃破但工程浩大人匠寡少况每事必欲求精 火器械與戰車工料之數委屬臣與底繼光等参伍總 戰車利器械固練兵禦敵第一義也所據該道估到軍 馬而當其奔突之騎則彼强此弱乃適所以取敗是造 之以敢戰則必事與之求全若謂以本鎮之兵即用其 見成之器是朽戈鈍斧既不能以殺人又或以虺隤之 非倉卒可辨及照新募浙江統手三千俱應給與風 通合題請動下該部再加查看將數內銅佛郎機鐵

欠こりっ なら 都督戚繼光委官督匠買料依式打造其戰車容臣會 數支給解發家雲兵備道副使張學顏公同總理練兵 估價銀內扣除免給其戰車并火器等項應製造者扣 斤兩數目運發密雲縣庫收貯聽候給發應用仍於原 鳥嘴銃腰刀盔甲大小各樣鉛彈取諸庫貯造成照各 同巡撫都御史劉應節給價發式行令各兵備道量所 州縣大小分投買料製造是皆以備将來練兵決戰 工料銀二萬五千四百六十四兩九錢三分八毫照 譚襄敏奏議 <u>5</u>

愈事羅瑶呈該臣批據蒯鎮總兵官郭號呈討標下兵 據整的薊州等處兵備山西布政司右祭政兼按察司 行整理應用候各新造器械次第報完陸續換給事完 如 此庶工料易集器用皆精戰守均有賴矣 E 用者至於本年各兵防秋所需站以其見在器械 行糧料草緣由蒙批該鎮標兵馬匹共數若干既均 仍行該道將用過銀數備造清册徑呈該部查考 باع 例請討行糧料草以便克敵跳

金しに

枝三屯營設有遊兵一枝俱入本鎮標下合營操練實 C ?]] ! ! ! 三錫等二十四員馬二十四匹全不支行糧草料官軍 草官軍家丁寗潮等三千七十四員名正馱馬二千九 在官軍共六千一百六十四員名内原准全支行糧料 報以憑具題施行遵依查得郭總兵標下設有標兵一 名曰標兵緣何行糧料草攴給不同仰劃州道從實議 王宗儒等三千六十六员名馬二千一百八十三匹為 百七十七匹近奉軍門批准半支行糧草料旗牌官侯 譚哀敏奏議 五十二

支行糧及全支料草其月料月草扣除不支今該鎮標 主兵事准每月各支月糧一石春冬六箇月支給料 近准半支者又有全不支者盖緣削鎮沿邊各提調下 自有定規無容再議外及尋常操練有原准全支者有 赖之遇警調遣則各照兵馬數目起行日期填單支給 脱該鎮標遊軍馬原為東西應援而設衝鋒破敵實專 兵多係調到燕石馬太四路尖兒手故得照調出事例 春三箇月仍給草東名為月糧月草月料若遇調遣得

金少四八人生一世

J.17. 馬行糧料草一體支給庶馬騰士嬉戰守有頻等因呈 衝別鎮自難援以為例合無俯念早為題請將兩營軍 之别鎮不同當春秋撒防之後全頼前項兵馬以為折 調發勞苦則同而馬匹止支料六月支草三月行糧通 勾補既無地土又鮮幫丁且既與標兵一 糧料草例不准支但今主兵逃亡數多俱以遠處軍丁 日支行糧料草其遊兵係原設主兵止支月糧料草行 不得支養贍獨異原情據理委屬未均況削鎮関係較 譚襄敬奏議 體操練均聽 五十三

給草東每馬一匹雖 秋六箇月料豆九箇月草東全無且各役俱係山海撫 時價僅買丘二斗四升止勾八日餧用其餘日期并夏 稱所有馬匹止是春冬六箇月支給料豆春三箇月乃 屯 管官兵軍人各精壯但馬多瘦弱據軍人鄧秀等告 詳到臣據此簿查得據蒯鎮總兵官郭琥呈稱閱得三 寧豐潤玉田香河等衛之軍相離三屯三五百里隻身 應役別無生理雖支月糧不能糊口欲養馬匹實難支 月支料九斗止折銀二錢二分

金少四八人生

大いコーハニョ 臣近議於密雲遵化三屯共練兵三萬專 操練調發勞苦則同人馬糧料養贍則異欲要將行糧 管所以人馬止支月粮料草令據議稱遊兵之與標兵 為照鎮守總兵官郭琥設有標遊二兵專備應接截殺 等緣由備呈到臣據經批仰該道議報去後今據前因 持乞要比照標兵事例准給行糧料草以便餧飼馬匹 標兵選之各路所以人馬得支行糧料草遊兵係在本 體攴給 一節據例實為有礙原情似亦相應但 譚襄敏奏議 五十四 所練

之兵其在密雲即有振武遊兵等 行糧外居常操練准與半支行糧如此底於主客有辨 内馬匹俱與全支草料其官軍除調發之日照例得 損惜小費而妨大計誠不可不亟為之處也臣愚伏 免援以為例事實難繼第兵既從實練比之修守勞逸 百倍不同若不稍加優異不惟人情弗堪馬亦馴致疲 即 下該部再加看詳將鎮守總兵官郭號標下遊兵管 有遵化遊兵三千世 岩此議一 行異日不

金り口

是主兵其在尊

アステンコー・ムー 明例猶存貧軍稍得所 譚襄敏奏議 五十五

